




I-95







ԿՐՕՆԱԿԱՆ, ԲԱՐՈՅԱԿԱՆ, ՊԱՏՄԱԿԱՆ,
ԲԱՆԱՍԻՐԱԿԱՆ ԵՒ ԱԶԳԱՅԻՆ.

Ա Մ Ս Ա Գ Ի Ր

ԹԻՒ Ա.	ՏԱՐԻ ԻԳ.	ՅՈՒՆՈՒՆԸ
--------	----------	----------

ՔՈՎԱՆԳԱԿՈՒԹՒՆՆԵՐ

ԿՐՕՆԱԿԱՆ.	ԵՐԿՐԻ աղբ. (Ժարգմ.) Խ. Ք. Խ.	1
ԲԱՆԱՍԻՐԱԿԱՆ.	ՍՏՐԿՈՒԹԵԱՆ բարոյական ազդեցութիւնը Հին Հասարակութեան վերայ. (Շարունակելի, Ժարգմ. Ս.)	19
	ՃԱՆԱՊԱՐՀՈՐԳԱԿԱՆ նկատողութիւնք (Շարունակելի) ՔԱՂԵՐՈՒՆԻ.	37
ԱԶԳԱՅԻՆ.	ՆՈՒԻՐԱՏՈՒՈՒԹԻՒՆՔ	53
	ՊԱՇՏՈՆԱԿԱՆՔ. Քաղաքը կոնկալաց վե- հափառ Հայրապետի ազդիս.	56
	ՅԱՅՏԱՐՈՒԹԻՒՆՔ:	

ՎՈՂԱՐՁԵՊՈՏ

Ի ՏՊԱՐԱՆԻ ՍՐԵՈՅ ԿԱԹՈՒՂԻԿԵ ԵԶՐԱՅԻՆ.

ՌՅԽ — 1891

Ք Ա Ղ Ա Ք Ա Կ Ա Ն — Գ Ր Ա Կ Ա Ն Ա Կ Ա Ն

ՆՈՐ—ԴԱՐ

ԱՄԵՆՕՐԵԱՅ ԹԵՐԹԸ

Թ ի Ֆ ի խ ո ս ս լ մ

ԱՌԱՋԻԿԱՅ 1891 ԹՈՒԱԿԱՆԻՆ

(Ուժեքորդ տարի)

Կը հրատարակուի նայն դէրտով և ծրագրով ամէն օր՝ բացի կերակի և
պօներէն հէտեող օրերէց

Խմբագրութիւնը կ'ստանայ և սեպհական հեռագիրներ

Տարեկան գինն է 10 ռուբլի, վեց ամսուանը 6 ռուբլի, հատով 5 կոպ.:

Եւրոպայի, Թիւրքիայի, Ամերիկայի և այլ հեռաւոր երկիրների
բաժանորդները վճարում են տարեկան 40 ֆրանք:


Բաժանորդ են գրուում իւրաքանչիւր ամսի 1-ից միայն:

Թիֆլիսում բաժանորդ են գրուում «Գֆաթ» «Նոր-Պար»-ի խմբա-
գրատանը:

Խմբագրատունը գտնուում է Բարձնակայա փողոցում, պօստ-հե-
ռագրատան դէմ, տուն № 12.

Օտար քաղաքներից գիմոււմ են խմբագրութեան՝ Тифлисъ, Редакцію еже-
дневной газеты «НОРЪ-ДАРТЪ» կամ Tiflis (Caucase) Rédaction du Journal
«Nor—Dar»

Խմբագիր - հրատարակիչ՝ ՍՊԱՆԳԻԱՐ ՍՊԱՆԳԻԱՐԵԱՆ.



Ա Ր Ա Ր Ա Տ

ԹԻԻ Ա. — ՇՐՁԱՆ ԻԳ. 1891 ՏԱՐԻ ԻԳ. ՅՈՒՆՎԱՐ 1.

ԿՐՕՆԱԿԱՆ

ԵՐԿՐԻ ԱՂԸ

«ԳՈՒՔ ԷՔ ԱՂ ԵՐԿՐԻ» (Մատ. Ե. 13.)

Աւետարանը լի է հրաշալի խօսքերով, որոնք մեզ չեն զարմացնում, որովհետև նրանց ընտելացած ենք. այդպէս են և վերոյիշեալ խօսքերը: Երևակայեցէք ձեզ, ի՞նչ կմտածէր այս աշխարհի իմաստունը. եթէ տեսներ այն աշակերտներին, որոնց Յիսուս երկրի աղ էր

անուանում: Ակներև, տգէտ Գալիլիացիներ, որոնք ոչինչ Հասկացողութիւն չունէին բարձր առարկաների մասին, այդ ձկնորսներն ու մաքսաւորները, որոնք խօսում էին Հազիւ յայտնի լեզուով, մարդիկ՝ որոնց եռանդը ամենաթոյլ արգելքն անգամ բաւական էր պաղեցնել և վերջապէս մարդիկ՝ որոնք այնչափ փոքրոգի գտնուեցան իրանց Ուսուցչի խաչի առաջ, երկրի աղբ պէտք է դառնային: Ի վերայ այս ամենայնի այս խօսքերը ճշմարտութիւն էին և մենք կամայ ակամայ պէտք է Համաձայնենք դրա Հետ: Մի Հայեացք գցեցէք երկրագնդի քարտեզի վերայ. ո՞րտեղ է նկատվում բարոյական կեանք, յառաջադիմութիւն, յոյս, քաղաքակրթութիւն, ազատութիւն, վերջապէս ապագայ: Այնտեղ՝ որտեղ տարածուեցաւ այդ Գալիլիացիների խօսքն և թափանցեց ժողովուրդների մտքի և սրտի մէջ: Ներկայ աշխարհը իւր բոլոր լաւ կողմերով պարտական է այդ մի բուռն մարդկանց. նրանք մեր ուսուցիչներն են և մենք ապրում ենք նրանց ժառանգութեամբ: Նրբ Հին աշխարհը անբարոյականութեան մէջ նեխում էր աւելի և աւելի, և իւր քաղաքակրթութեան գագաթնակետում ոչ այլ ինչ էր ներկայացնում եթէ ոչ գարշահոտութիւն տարածող մի դիակ, բրիտոնէական Հասարակութիւնների մէջ նշմարում է գաղտնի կենսական, թարմ ոյժ, որը յաղթահարելով ամեն արգելքների, 18 դարից յետոյ տարածում է ամեն տեղ իւր յաղթական ներգործութիւնը: Գալիլիացիների քարոզած փրկարար Հաւատը այնպէս մերուեցաւ մեր կեանքի Հետ որ այլ ևս անհնարին է նրան բաժանել: Նա՛ մեր օրէնքների մէջն է և կերպարանափոխում, կատարելագործում է նրանց. նա մեր բարք ու վարքի մէջն է և փրկում է նրանց ապականութիւնից, բարքի, որ ժամանակակից Հեթանոսութիւնը կցանկար վարակել. նա՛ մեր ընտանեկան կեանքի, քնքուշ ու սուրբ յարգանաց մէջն է, որով շրջապատուած են բրիտոնէի ամուսինն և նրա գաւակը. — նա՛ մեր մաքուր ուրախութիւնների մէջն է, որոնք եսականութեամբ չեն վարակուած. նա՛ այն Համակրանաց մէջն է, որ մշտապէս մեծանում է յօգուտ աղքատների և տառապեալների. նա՛ այն միութարութեան մէջն է, որ աւետարանը սփռում է մեր վշտակրութեանց վերայ. նա՛ կե-

նայ խօսքի և անմահ յուսոյ մէջն է, որոնք գրում ենք մեր հանգուցեալների շիրիմների վերայ. նա՛ մեր խղճի մէջն է, որ վրդովւում է անարդարութիւններով և գարշ ազտեղութիւններով, որոնք առանց քրիստոնէութեան մեզ համար զգալի չէին կարող լինել. նա՛ վերջապէս, արդար, ազնիւ անբաւականութեան մէջն է, որ արտայայտում է անհաւատը, նկատելով քրիստոնէաների մէջ զազիր և պիղծ գործեր. նա՛ ամենուրեք է. և Փրկիչը, դառնալով իւր աշակերտներին, ճշմարտութիւն ասաց. «Նուք էք աղ երկրի»:

Փրկիչ այս խօսքերը պարունակում են իրանց մէջ այն հասարակ բայց գեղեցիկ ներգործութեան պատկերը, որ պէտք է ցոյց տան քրիստոնէաները ամբողջ աշխարհի վերայ. ո՞րն է այդ ներգործութիւնը և ի՞նչ ձևով պէտք է նրան երևան հանեն:

Երկու եղանակ կայ մարդկանց վերայ ներգործելու. արտաքին — նիւթական կամ բարոյական բռնադատութեամբ, և ներքին — համոզելով: Սրանցից ո՞րը ընտրեց Քրիստոս: Նա մի խօսք չէ ասել որից կարելի լինի եզրակացնել, որ նա ցանկացել է ոյժի վերայ յենուիլ: Իւր աստուածային հայեացքով նա տեսնում էր ապագան, նախագուշակում էր այն հակակրութիւնը, արհամարհանքը, հալածանքը, ատելութիւնը որ աւետարանը պէտք է յարուցանէր: Բայց նա մի և նոյն ժամանակ ասում էր, որ երկրի մէջ սերմանած ճշմարտութիւնը, ինչպէս մանանեխի հատիկ, պէտք է մեծ ծառ դառնայ, որի ստուերի տակ մի ժամանակ ապաստանարան գտնեն ազգերը: Ճշմարտութեան ոգին ներշնչելով 12 մարդկանց մէջ, ուղարկեց նրանց աշխարհը նուաճելու, ասելով. «Նուք էք աղ երկրի»: Այսպէս հիմնուեցաւ եկեղեցին. երեք դար անցնելուց յետոյ խաչը բարձրացաւ այն ժամանակ յայտնի աշխարհի բոլոր ծայրերում:

Բայց արևմտեան եկեղեցին յոգնեցաւ այս դանդաղ գործողութեամբ: Մուանալով իւր մեծ Վարժապետի պատուէրը — համոզել աշխարհը ճշմարտութեան միջոցաւ, ցանկացաւ հպատակեցնել, ոյժ գործադրելով պահանջեց արտաքին տիրապետութիւն. մի եղանակ՝ որպիսին Քրիստոս հենց իւր փորձութեան օրում մերժեց: Եւ այսպէս նա աշխարհային տիրապետութեան հասաւ, գործադրելով խորամանկութիւն և ամենատեսակ հալածանքներ յարուցանե-

ով: Կան մարդիկ որոնք ասում են, որ եկեղեցին երբեք ճնշումն չէ գործել և որ այդ պատասխանատուութիւնը ընկնում է մարմնաւոր իշխանութեան վերայ: Բայց դատել այսպէս նշանակում է բաւականանալ օտարոտի երկդիմի մտքերով: Դաճճին մատնող եկեղեցական իշխանութեան և դաճճի մէջ նոյն տարածութիւնն է՝ ինչ որ մտածող գլխի և Հարուածող ձեռքերի մէջ. և առաւել ատելի է գլուխը որ ցանկանում և պահանջում է սպանութիւն՝ քան ձեռքը որ կատարում է նրան:

Արեւմտեան եկեղեցին ցանկանում էր բռնութեամբ տիրապետել. նա ցանկանում էր տիեզերական աստուածապետութիւն ստեղծել. Հասկանալի է թէ նրա ցնորքների մէջ ինչ մեծութիւն կար: Եւ գիտեմ որ նա այդ կերպով կամենում էր Հոգիները փրկել. եւ գիտեմ, որ նա այս աշխարհին ասում էր. «Հնազանդուիր ինձ, ես քո մայրն եմ»: Բայց աշխարհը սոսկաց, երբ այդ մօր ձեռքերը իւր մոլորեալ որդւոց արեան մէջ թաթախած տեսաւ: Աշխարհը չի մոռանալ աւռուելի Ինկվիզիցիան, որ ստեղծեց Կաթոլիկական եկեղեցին: Դրանով նա յոյս ունէր ապահովացնել իւր տիրապետութիւնը ժողովուրդների վերայ: Ի Հարկէ նոյն իսկ յաջողութիւնը նրան չէր կարող արդարացնել: Բայց յաջողութիւն ունեցաւ: Սրան կարող էին Հաւատալ մինչև այն ժամանակ, երբ նա ճնշում էր Հերետիկոսութիւնը և ստիպում էր ազգերին խոնարհելով իւր առաջ՝ լուծութեամբ լսել կաթոլիկական միութեան ձայնը: Բայց չէ՞ք նկատել արդեօք որ Հենց այդ ժամանակից յանկարծ կանգ առան միսիոներական քարոզութիւնների տարածումը, որ այնչափ յատուկ և նշանաւոր էր քրիստոնէութեան նախնական ժամանակներում: Միջին դարի վերջերին մօտ՝ քրիստոնէական եկեղեցին տեսաւ, ինչպէս աստիճանաբար Հանգչում են կեանքի և լուսոյ կենդրոնները, որպիսիք էին, Կարթագէնը, Աղէքսանդրիան, Երուսաղէմը, Անտիօքը, Եփեսոսը, Կոստանդնուպոլիսը և Աթենքը: Չէ՞ք նկատել արդեօք որ մինչև կրօնական մեծ յեղափոխութիւնը, նա արդէն զրկուած էր այն երկրների երրորդ մասից, որոնց վերայ տարածվում էր նրա իշխանութիւնը: Նկատելի է մինչև անգամ որ այն ցեղերի մէջ, որոնք ամենից երկար ժամանակ են ենթարկուել

արհեստական միութեան լծին, ներկայ ժամանակիս անհաւատութիւնը աւելի աւերմունքներ է անում և քրիստոնէութեան դէմ աւելի կատաղի թշնամութիւն յարուցանում: Ահա թէ ինչ ստացաւ Արեւմտեան եկեղեցին, որ ցանկանում էր տիրապետել մարդկանց բռնի կերպով, փոխանակ որ նրանց հոգու մէջ թափանցէր:

Թոյլ տուէք ինձ այս տեսարանի հակապատկերը դնել այստեղ: 250 տարի մեզանից առաջ մի բուռն փախստականներ իջան Նոր Անգլիայի ժայռոտ ափերում: Նրանք գնացին այնտեղ աշխարհի վերայ մի անկիւն գտնելու, որտեղ կարող լինէին խաղաղ կերպով Աստուծոյն աղօթել: Այնտեղ՝ անապատում, ամենատեսակ զրկանքներով խղճի մի ապաստան բարձրացրին որ ազատ էր մարդկանց լծից: Նրանք աստիճանաբար աճեցին: Այդ նոր հասարակութեան մէջ ստիպողական, բռնի ոչինչ չկար, բացի քրիստոնէական հաւատից, որ գործում էր իրան յատուկ առաքինութիւններով: Այնչի՛նչ չկար, բացի երկրի ազը որ թափանցում էր մարդկանց խղճի մէջ: Այն ժողովուրդը որ կազմակերպեցին այդ փախստականները, ներկայ ժամանակում մի հրաշալի տեսարան է ներկայացնում, որի առաջ յափշտակութեամբ և զարմացմամբ կանգ են առնում եւ կաթոլիկները եւ բողոքականները: Մենք տեսնում ենք ահագին ժողովուրդ որ յօժարակամ խոնարհում է Աստուծոյ աջի տակ. մենք տեսնում ենք քրիստոնէական հաւատ՝ որ անկեղծօրէն և յայտնապէս դաւանում են նշանաւոր զօրապետներ, դատաւորներ, զօրականներ, որոնք իրանց հրատարակութիւնների մէջ առ ձերակոյտն և զօրքը քարոզում են կենդանի Աստուծոյ և մարդկային կեանքի մէջ Նրա ներկայութեան մասին. խօսում են իրանց զղջման և հեզահոգութեան մասին, միանում են ընդհանուր աղօթքի մէջ և կարողանում են հսկայական պատերազմ վերջացնել առանց դէպի վրէժխնդրութիւն հրաւիրելու, առանց ազատութեան դիպչելու:

Եւ այսպէս հաւատը միացած քրիստոնէական կեանքի հետ, ներգործելով մէկի միջնորդութեամբ միւսի վերայ և թափանցելով աշխարհի մէջ, հիմնում է այստեղ Աստուածային թագաւորութիւնը: Սա միակ դրական միջոցն է որ մեր ձեռքում ունենք: Գիտեմ, որ

շատ հաւատացեալներ հառաչանքներով են ուղղում իրանց հայեացքը անցեալի վերայ, և երազում են եկեղեցու նախկին արտօնութիւնների և իրաւունքների վերադարձը, որոնցով կրկին կարելի է նրա տիրապետութիւնը հողիների վերայ ապահովել: Ապարդիւն ցաւակցութիւն, անցան այդ ժամանակները անդառնալի կերպով. ներկայ հասարակութիւնը այլ ևս չէ կամենում եկեղեցւոյ արտաքին լուծը: Ինձ համար մինչև անգամ գարմանալի է, որ հաւատը յուզուել կարող է այս տեսակ փաստերով: Ձեր հաւատը - տատանուում է նրա համար միայն, որ եկեղեցին նոյն պայմանների մէջ է գրուած, որոնց մէջ նրան հիմնեց Քրիստոսը. և փոխանակ աշխարհի վերայ որպէս քաղաքական հաստատութիւն ներդործելու, պէտք է ազդէ իւր հիմունքներով որպէս երկրի աղը: Ձեր հաւատը տատանվում է այն պատճառաւ միայն, որ դուք չէք կարող այն տեսակ տիրապետութեան հասնել, որը յենուած լինէր միմիայն շինծու և կեդճաւոր յարգանաց վերայ: Ուղղեցէք ձեր հայեացքը բարձր և փոխանակ հառաչանքներով այս աշխարհից զօրութիւն և արտաքին իշխանութիւն մուրալու, որ ձեզ բացասուում է, որոնեցէք եկեղեցւոյ Քրիստի մէջ այն աներևոյթ և հոգևոր զօրութեան գաղտնիքը, որը միայնակ կարող է յաղթել այս աշխարհին:

Եւ այսպէս քրիստոնէաների ներդործութիւնը այս աշխարհի վերայ հոգևոր պէտք է լինի և այդ՝ իւրաքանչիւր հաւատացեալ առանձին առանձին պէտք է ցոյց տայ: Խնդրում եմ յատկապէս ուշադրութիւն դարձնել այս վերջին մտքի վերայ: Ձէ կարելի չգարմանալ որ մեր երկրում (Փրանսիա) ամենքը ձգտում են թոթափել իրանցից կրօնական պատասխանատուութիւնը մի որևէ հաստատութեան կամ մի որևէ հիմնարկութեան վերայ: Բայց ոչ մի հիմնարկութիւն, ոչ մի հաստատութիւն անկարող է կատարել այն առաքելութիւնը, որի համար հաճելի էր Աստուծոյն հրաւիրել ձեզ այդ զարհուրելի է մեր թուլութեան համար, բայց իսկապէս այդ այդպէս է: Նրան հաճելի էր որ Իւր Որդու մէջ մարմնացած ճշմարտութիւնը, մարմնանար և մի յատուկ չափով իւրաքանչիւր քրիստոնէի մէջ, կեանք ստանար և սրտից սիրտ անցնելով բոլոր աշխարհը նուաճէր: Քրիստոնէութիւնը կլինի այն՝ ինչ որ դուք ինք-

ներդ կլինէք: Ի գուր խոյս կտայիք այդ հանդիսաւոր պատասխանատուութիւնից. ի գուր նրան ուրիշների վերայ կբարձէիք. ոչ ոք իրաւունք չունի այն ձեզանից վերցնել և դուք իրաւունք չունէք նրանից հրաժարուել: Ի գուր կցանկային աշխարհականները զնել այդ պատասխանատուութիւնը միմիայն եկեղեցւոյ պաշտօնեաների վերայ. իւրաքանչիւր մարդ իւր ծանրութիւնը պէտք է կրէ ըստ առաքելոցն: Ինչ և անէիք դուք, պէտք է լինէք երկրի աղբ. և այս աշխարհում ճշմարտութեան ապագան կախուած է ձեզանից — իւրաքանչիւրիցդ:

Բայց ի՞նչպէս պէտք է ներգործել աշխարհի վերայ: Ուրիշների վերայ հոգեպէս և բարոյապէս ազդելու համար երկու միջոց ունինք, կենդանի ու գրաւոր խօսք և մեր իսկական կեանքը: Ո՞րքան ոյժ ունի մարդկային խօսքը. Ս. Յովհաննէսը Աստուծոյ Որդւոյն Բան է անուանում: Որպէս զի մեր խօսքը իւր մէջ առաքինութիւն պարունակէր, հարկաւոր է որ նա Աւետարանի ոգւով ներշնչուած լինէր: Բայց այդպէս էք մտածում դուք. գիտեմ որ իմ ունկնդիրների մեծ մասի համար բաւական է, որ ամբիոնի բարձրութիւնից քրիստոնէական խօսքը քարոզուի և հենց այդ տեղից նրանք սպասում են ճշմարտութեան տարածման: Ճշմարիտ է, երբ քարոզը Աւետարանի աղով է համեմած, երբ նա հասնում է մարդկանց խղճին և սոսկումն առաջացնում, երբ նա ազմկում, շարժում է սիրտը, երբ նա միջոց է տալիս տեսնել անտեսանելի աշխարհը, քարոզը ճշմարտապէս մի երկսայրի սուր է, որի մասին յիշատակվում է Ս. Գրքում: Ախնի այդ քարոզը անմշակ, անարուեստ, կոպիտ, անշնորհ, բայց բղիւնելով սրտի խորին համոզմունքից, որ պարզւում է նրան քրիստոնէական հաւատը, մի զօրութիւն է ներկայացնում, որ կարող է կերպարանափոխել ամբողջ աշխարհը: Բայց առանց վրդովման չէ կարելի մտածել այն մասին, թէ ինչի՞ նման է քարոզը երբ Աւետարանի աղբ կորցնում է իւր ոյժը: Քրիստոնէական հաւատով պատրաստուած ամբիոնի վերայ բարձրանում է մի մարդ՝ որ փոխանակ իրան ուղարկող Աստուծոյն ակնածութեամբ նայելու, մտածում է միմիայն իւր ունկնդիրների մասին. փոխանակ իւր առաքելութեան մասին մտածելու, մտածում է միմիայն իւր

գարի — գաղափարի վերայ, որին նա ցանկանում է հաճոյանալ-
փոխանակ մարդկային խիղճը վրդովելու, մտածում է միմիայն նրան
հանգստացնելու: Երբ նրա մասին ասում են որ նա յաջողութիւն
ունեցաւ և ժողովրդականութիւն ստացաւ, կարծում են որ նրան
փառաւորում են պատշաճաւոր գովասանքներով:

Բայց ժողովրդականութիւն ունէ՞ր սուրբն Պօղոս, երբ նրա ձայնը
վրդովում էր յանցաւորներին և ամաչեցնում իմաստուններին: Ժո-
ղովրդականութիւն ունէ՞ր Քրիստոսը, երբ նա տեսնում էր որ ամ-
բոխը հեռանում է նրանից տրտնջելով, դժգոհելով: Աստուած հե-
ռու պահէ այդ տեսակ ժողովրդականութիւնից: Ճշմարիտ քարոզը
այսպէս չպէտք է հասկանալ և այսպէս չպէտք է լինի: Քարոզը
պէտք է կրէ այն բնաւորութիւնը ինչ որ կարճ, բայց ճշմարտապէս
նկատեց Լիւդովիկոս ԺՂ-ը, որ սովոր էր պալատական քարոզիչներին
ստորաքարշ շողոքորթութիւնները լսելու: Մի վարդապետի, որ ա-
ռանց թուլութեան Աւետարանը համարձակ քարոզում էր, ասաց մի
անգամ. «Հայր, երբ լսում եմ ուրիշներին, բաւական եմ նրանց քա-
րոզից, բայց երբ ձեզ եմ լսում, անբաւական եմ մնում ինքս ին-
ձանից»: Նա արդար էր. և լաւ կլինէր եթէ նա չլսէր ուրիշ քարո-
զութիւններ. լաւ կլինէր եթէ նա իւր հրեշաւոր գոռոզութիւնը
զգալով, ազատէր Փրանսիան ամօթալի տեսարաններից, վերջ տար
ճշմարիտ քրիստոնեաների դէմ յարուցած գազանային հալածանք-
ներին, որոնք կատարվում էին ի շնորհս բարեպաշտութեան քօղով
դիմակաւորուած կեղծաւորների և շողոքորթների: Լաւ կլինէր որ դուք
ևս հեռանայիք քարոզչից անբաւական ինքներդ ձեզանից. հեռա-
նայիք անհանգիստ, մինչև անգամ գրգռուած, վրդովուած սրտով,
միայն թէ լուրջ մտածմունքներով: Բայց չխաբուինք. քարոզը որ-
քան և ճշմարտութիւն պարունակէր իւր մէջ, այսուամենայնիւ բա-
ւական չէ Աւետարանը տարածելու համար: Ինչ ինձ է վերաբե-
րում, ցաւօք պէտք է խոստովանիմ, որ ես ապշած եմ մնացել նրա
անցօրութեամբ: Մտածեցէք այն մասին, թէ բեմի վերայ որքան
համոզմունք, ջանք, մտքեր և խօսքեր են վատնուում և դուք կնկա-
տէք որքան չնչին է նրանց հետևանքը: Ինչո՞ւ այսպէս է. ի հարկէ
սովորութիւնից և մանաւանդ մեր մէջ արմատացած այն գաղափա-

բից, որ բեմական լեզուն քիչ թէ շատ պայմանական լեզու է. բեմը, ասում են, իւր վերայ ամեն բան ընդունում է: Այդ պատճառաւ ոչ ոք չէ զարմանում որ այդտեղից ընդհանրապէս պատերազմ եմ մղում անհաւատութեան և աշխարհային ունայնութեանց դէմ, հրաւիրելով մի և նոյն ժամանակ զղջալ և ապաշխարել, Ընդհակառակն այդ սպասում, պահանջում են. և ինչպէս անհաւատը այնպէս և աշխարհիկ անձն այդ բնական են համարում: Նրանք առաջուց զիտեն որ այդպէս պէտք է լինի. և լսելով քարոզչին, իրանց դատողութիւնը տալով, այն ևս բոլորովին բնական են համարում, որ նոյն իսկ եկեղեցւոյ դռների մօտ կրկին վերադառնան իրանց նախկին թեթեամտութեան, դատարկաբանութեան և աշխարհային ունայնութեանց: Զուր ջանք կլինէր համոզել նրանց իրանց կեանքի եղանակը փոխելու: Նրանք, կարելի է, ասեն քարոզը սրտաշարժ էրբայց մի ըոպէ էլ չեն մտածել, որ խօսքը իրանց էր վերաբերում, իրանց սեպհական փրկութեան, մշտնջենական ապագային:

Ընդհակառակն դուք կամենում էք տեսնել թէ խօսքը որտեղ է ներգործում, շարժում և անհետեանք չէ մնում: Մտէք դատարանի վանդակի միւս կողմը, նայեցէք ահա այն փաստաբանին, որը գուցէ առանց համոզմունքի պաշտպանում է դատարանի առաջ մի գործ՝ որի հետ կապուած են մեծամեծ շահեր: Նայեցէք ինչ լարուած ուշադրութեամբ լսում է գործի տէրը, ինչպէս փայլում են նրա աչքերը. ինչպէս ձգվում են նրա երեսի գծերը, որպիսի հոգեկան անհանգըստութեամբ հետամուտ է լինում գործի ընթացքին. և այս ամենը նրա համար միայն, որ դատի վերջանալուց յետոյ նա ստանալու է մեծ հարստութիւն: Այդ ժառանգը, որ յափշտակուած է միայն մի ցանկութեամբ, գոնէ մի ըոպէ մտածէր իւր փաստաբանի պաշտպանողական ճառի արտաքին ձևի մասին, նրա գրական արժանաւորութեանց, ձայնի ելևէջների, յաջող դարձուածների մասին: Նատ քիչ է հոգում այդ ամենի մասին. նրա միակ ցանկութիւնն է որ օրէնքը զիջող, բարենկատ լինի, որ ինքը գործը տանի, որից կախուած է նրա բաղդը. գործ՝ որ վերաբերում է իրաւանց խախտման, ժառանգութեան անկանոն վճռահատութեան և հարստութեան:

Դժբաղդաբար երբ ձեզ Հետ խօսում են երկնային ժառանգութեան, ձեր հոգւոյ փրկութեան և Արդար Դատաւորի անփոփոխելի վճռի մասին, դուք առաւել կամ պակաս ուշադրութեամբ կամ հետաքրքրութեամբ լսում էք և ընդհանրապէս ամենայն ինչ ի նկատի առնելով տալիս էք ձեր կարծ դատողութիւնը — թոյլ կամ հետաքրքիր էր քարոզը, որպէս թէ գործը վերաբերում է մի որևէ ճեմարանական ճառախօսութեան: Ահա թէ ինչու անմտութիւն է միմիայն քարոզից սպասել ճշմարտութեան տարածումը:

Բայց ի՞նչ միջոցով կարելի է այդ մի և նոյն ճշմարտութիւնները ներգործական և զօրեղ դարձնել: Դուք ոչ թէ եկեղեցում պէտք է նրանց լսեցնել տաք, այլ մի ուրիշ տեղ: Փորձեցէք այդ և դուք կնկատէք կորցրել է արդեօք Աւետարանի ազը իր ոյժը թէ ոչ: Երևակայէ՛ք որ դուք մի երիտասարդ մարդ էք և գտնվում էք ձեր հասակակիցների շրջանում, որոնք նոյն պարապմունքն ունին, ինչ որ դուք: Նրանք քննադատում են օրուայ կենդանի հարցերը պատանեկութեանը յատուկ համարձակութեամբ և անաչառութեամբ առանց կանգ առնելու ոչ մի խնդրի առաջ: Շուտով խօսակցութիւնը փոխվում է կրօնի մասին: Այն՝ ինչ որ դուք հաւատում էք, ինչ որ մենք քարոզում ենք, այնտեղ քննադատուում է, ենթարկուում է յարձակման, գուցէ և ծաղրի առարկայ է դառնում: Դուք վրդովուում նեղանում էք, բայց և այնպէս լուում էք: Զարմանալի է, որչափ փոքրօրի են մարդիկ, երբ խնդիրն այն մասին է, որ պէտք է իրանց կրօնական համոզմունքները արտայայտեն, պաշտպանեն: Այդ մի և նոյն մարդիկ, որոնք առանց գոհատուելու պատրաստ են մահուան հանդիպել և երկիւղ չկրելով ծաղրածութիւնից, ջերմութիւնից պաշտպանում են իրանց քաղաքական համոզմունքները, այստեղ երևում են երկչոտ, փոքրօրի, երերուն, որպէս զի մի ամենաթեթև ծաղրածութեան անգամ չհանդիպեն: Եթէ խնդիրը մի որ և է կրօնական կուսակցութեան, պապի աշխարհական իշխանութեան, ուղղափառների կամ ազատամիտների մասին է, այդ տեղ ոչինչ դժուարութեան չեն հանդիպիլ իրանց հայեացքները ազատօրէն արտայայտելու, իրանց համոզմունքները պաշտպանելու և իրանց ձայնը միացնելու այս կամ այն կուսակցու-

Թեան հետ: Բայց բանալ իւր սիրտը, ներքին հոգեկան աշխարհը, արտայայտել ինչ բանի որ հաւատում են, խօսել Աստուծոյ մասին այդ անկարելի է երևում: Ֆրանսիայում և ընդհանրապէս, այն գաղափարն է պաշտպանուում, որ հաւատի խնդիրներով միմիայն հոգևորականութիւնը պէտք է պարապի. տարօրինակ ձգտումն: Այսուամենայնիւ եթէ արհամարհելով այդ փոքրոգութիւնը համարձակութիւն ունենայիք քաջաբար, հաստատամտութեամբ և անկեղծօրէն խոստովանել ձեր հաւատը, ձեր յոյսերը, հաւատացած եմ որ այդ տեղ առաւել համոզեցուցիչ բան կլինէր, քան թէ նոյն իսկ մեր բոլոր ճառերի մէջ: Ենթադրենք որ ձեր համոզմունքները մերժէին կամ ծայրէին, բայց և այնպէս դուք ձեր ունկնդիրների մտքի մէջ յարգանաց զգացմունք կգարթեցնէիք. ձեզ այդ չէին կարող բացաւել, և որքան էլ չխոստովանէին այդ, այնուամենայնիւ կհասկանային այն ամենը, ինչ որ այդ հաւատի մէջ վստմ է և զօրեղ, թէև նրանց սիրտը չէ շարժում:

Եւ այդպէս խօսքը եթէ ճշմարտութեան ծառայացնենք, մեծ ոյժ է և երկրի ճշմարիտ աղբ: Գիտէք մինչև ո՞ւր է տարածվում նրա խորհրդաւոր ներգործութիւնը. ո՞րքան բազմաթիւ սրտեր նա կարող է նուաճել: Պատմութեան իւրաքանչիւր էջերում նկատելի է խօսքի արտասովոր ներգործութիւնը, որը գուցէ արտասանուել է գաղտնի, բայց սրտի մէջ թափանցելով, դարձել է մի բարեբեր սերմ, վերանորոգել է կեանքը: Եգիպտական դամբարաններում գտան հացահատիկներ, 3000 տարի առաջ ննջեցեալի ձեռքում դրուած գցեցին հողի մէջ. նրանք ընձիւղներ արձակեցին և գեղեցիկ հասկեր տուին: 30 դարը բաւական չէր եղել մթին գերեզմանում թագնուած սերմի զարմանալի կենսականութիւնը խեղդելու, ոչնչացնելու. համար: Եւ միթէ՞ դուք կարծում էք որ այդ նիւթի մէջ այդ տեսակ կենսական, զօրաւոր ոյժ դնող Աստուածը, թոյլ կտայ իւր հաւատի, յուսոյ և սիրոյ խօսքերը ոչնչանալու, որոնք դուք սերմանում էք ամբողջ աշխարհի անդաստանում: Գուք մոլորվում էք. նրանք չեն կարող մեռնել. նրանք նոյնպէս ընձիւղներ կարձակեն, նրանց ծածկող խորութեանց մէջ: Քրիստոնեայն, որ խօսում է յանուն կենդանի Աստուծոյ, երկրի աղն է:

Բայց ի՞նչ է նշանակում խօսքը առանց գործի. ի՞նչ ներգործութիւն կարող է ունենալ նա, եթէ մեր կեանքի յայտարարը չէ: Ի պատիւ քրիստոնէութեան, նա չէ կարող տարածուել, եթէ յայտնողը նախ և առաջ ինքը անձամբ չիրագործէ: Որպէս զի Աւետարանի աղբ կարելի լինի ուրիշներին էլ հաղորդել, հարկաւոր է որ նա առաջ մեր մէջ թափանցի: Ուրիշ գործեր յաջողութեան կարող են հասնել հմուտ հռետորների, ճարտարախօսների միջնորդութեամբ. բայց աւետարանի գործը այդ ճանապարհով չէ կարող ընթանալ: Ենթադրեցէք որ եկեղեցին ունի ամենագորեղ հռետորներ, բարոյագետներ, ամենաճարտար աստուածաբաններ, ամենախորին մտածողներ. բայց եթէ այդ եկեղեցին չունի սրբութիւն, նա չէ կարող հեղինակութիւն, ազդեցութիւն ունենալ:

Վերջին դարերում մենք տեսանք ապշեցնող օրինակ: Հազիւ թէ կաթողիքական եկեղեցին իւր պատմական այլ շրջաններում ունեցած լինի այնպիսի հանճարներ և զօրեղ մտքի տէր անձնաւորութիւններ, որպիսիք էին Բոսսուէտ, Ֆենելոն, Մասսիլոն, Բուրդալու, և Հազիւ թէ Փարիզի եկեղեցիները երբ և իցէ տեսած լինին դրանց նման քարոզիչներ, որոնք՝ առանձին առանձին վերցրած, կարող էին փառաւորել իրանց ժամանակաշրջանը: Մտքի խորութիւն, խօսքի գեղեցկութիւն, տրամաբանական զօրութիւն, կորովամտութիւն, համոզմունք, պայծառութիւն, շքեղութիւն, բանաստեղծութիւն. այդ ամեն յատկութիւնները կենդրոնացած էին դրանց մէջ: Ի հարկէ եթէ մարդկային խօսքը երբ և իցէ կարող է դրական ազդեցութիւն ունենալ, այդ՝ կարելի է ասել, առաւել դրանց ժամանակի մասին: Բայց այսու ամենայնիւ 30 տարուց յետոյ, խնամակալական իշխանութեան միջոցում անբարոյականացած Փրանսիան արդէն պատկանում էր Վոլտերին և 18-դ դարի հետ գործը արդէն վերջացաւ. նա ընկաւ: Եւ եթէ Փրանսիան տեսաւ այս խորին և անյուսալի անկումը, այդ՝ այն պատճառաւ էր, որ այդպիսի հանճարեղ քարոզիչներ արտադրող եկեղեցու մէջ թափանցեցին անառակութիւն, կաշառակերութիւն, անբարոյականութիւն: Այն պատճառաւ, որ, չնայելով Պասքալին, խղճագիտութիւնը տիրեց մարդկային խղճի վերայ, կեղծաւորութիւնը գալտնի կերպով քանդեց եկեղեցւոյ հիմքը. ան-

Հաւատութիւնը արագութեամբ տարածուեց նոյն խսկ Հոգևորակա-
նութեան մէջ. այնպէս որ երբ փիլիսոփայութիւնը փոթորկի նման
բարձրացաւ Փրանսիայի վերայ, նա չհանդիպեց ոչ մի պատնէշի՝ որ
նրան կանգնեցնէր: Որքան ցաւալի է, որ այս բազմաթիւ փայլուն
աստղերի և հանճարների հետ, Փրանսիան չունեցաւ հեղահոգի,
կենսատու, հաւատարիմ, աստուածային ոգևով ներշնչուած եկե-
ղեցի, որ երկրի ազը դառնար:

Նւ այսպէս մեր կեանքն աւելի կիզիչ ներգործութիւն ունի, քան
մեր խօսքը: Խօսքի ներգործութիւնը ընդհատվում է, բայց կեանքի
ներգործութիւնը յարատւ է: Ի՞նչ նշանակութիւն ունի ընդհա-
տուող ոյժը յարատւ գորութեան առաջ: Ի՞նչ նշանակութիւն ու-
նի ամենակատաղի փոթորիկը համեմատաբար ծովային մակընթա-
ցութեան օրէնքի հետ, որ ամենայն օր և անվերջ շարժում է ամ-
բողջ ովկիանոսը, երբեմն վեր բարձրացնելով, երբեմն ցածացնելով:
Ի՞նչ նշանակութիւն ունի այն ուժգին գորութիւնը որ դէպի եր-
կինքն է նետում հրաբուխի բոցավառուած լաւան, համեմատաբար
ձգողական գորութեան հետ, որ դէպի երկրի կենդրոնն է քարշում
առարկաների ամեն մասեր: Այդպէս և ի նչ նշանակութիւն ունին
մեր խօսքը, մեր աղօթքները, բարեպաշտական արտաքին ցոյցերը,
համեմատաբար մեր առօրեայ կեանքի լուիկ, մնջիկ կենդանի քա-
րոզների հետ: Դեռ այս բոլորը չէ. մեր կենդանի ներգործութիւնը
ակամայ է և այդ պատճառաւ նա զօրեղ է: Իսկապէս թող չխաբ-
ուինք. մենք աւելի յաջողութիւն ենք գտնում ո՛չ այն ժամանակ,
երբ կամենում ենք ներգործել ուրիշների վերայ. ընդհակառակ նկա-
տելով այդ նպատակը՝ աւելի զգուշանում են: Նրանք զրահաւո-
րուում են մեր դէմ մնայլ թերահաւատութեամբ և փակում են
մեր առաջ իրանց սրտի մուտքը: Բայց ի՞նչպէս ազատուեն կեանքի
ներգործութիւնից, որ ամեն ժամ, ամեն ըոպէ իւր արտադրած
պտուղներով, ոգևորող զգացմունք է զարթեցնում: Դուք այդ չէք
նկատում, որ տեսակ տեսակ եղանակներով թափանցելով խելքի
ու մտքի մէջ, թողնում է այնպիսի ներգործութիւն, որ ոչնչով չէք
կարող ջնջել: Այո՛, այն ժամանակ միայն կարելի է փրկարար ճըշ-
մարտութիւնը յաջողութեամբ տարածել, երբ նրան կատարելա-

պէս կմարմնացնենք մեր կեանքի մէջ: Ամենագորեղ և դրական միջոցը դա է:

Բացի դրանից ամենքը ընդունակութիւն չունեն լաւ խօսելու, բայց ցոյց տուէք մի քրիստոնեայ, որ իւր կեանքով անկարող լինի ներգործել աշխարհի վերայ: Այս ներգործութիւնը անուամբ է այն մարդը, որ բարձրաձայն բողոքում է անարդարութեան դէմ և կարծես ամպի որոտով վարթեցնում է ժամանակակիցների խիղճը: Այս ներգործութիւնը անուամբ է Հիւանդախնամ կինը, որ Հիւանդանոցի մահաբեր օդը շնչելով, եռանդով հսկում է այն հիւանդների վերայ, որոնց լափում է վարակիչ հիւանդութիւնը: Այս ներգործութիւնը անուամբ է քարոզիչն որ հեռանալով այն ամենից ինչ որ նրա սիրտը կարող էր սիրել և մտայլ անհաւատութեան սուաջ աղօթում է, քարոզում է, սպասում է և փառաւորում Աստուծոյն իւր Համբերութեամբ աւելի, քան ուրիշները իրանց մարտիրոսութեամբ: Այս ներգործութիւնը անուամբ է ջահել երիտասարդը որ փայլուն ասպարիզի մէջ մտած ժամանակ, ստիպուած լինելով մասնակցել անազնիւ գործերում, հրաժարվում, փշրում է իւր ապագան և լուծեամբ կպչում է ծանր աշխատանքին՝ իւր առօրեայ ապրուստը հայթայթելու: Այս ազդեցութիւնը գործում է և գիտնականը, գրողը, որ ալեգարդ հասակումն անգամ անխոնջ գործադրում է իւր ոյժերը, ջերմութեամբ պաշտպանելով այն համոզմունքները, որոնցով նրա հոգին ապրում է: Այս ներգործութիւնը անուամբ է ջահիլ օրիորդը, որ այն հասակումն է, երբ աշխարհը հրաւէր է կարդում, սուաջարկելով նրան ամենագրաւիչ հրապոյրներ. բայց նա հակառակելով՝ ընտրում է մի կեանք՝ որ լի է հաւատարմութեամբ և անձնագոհութեամբ յօգուտ մերձաւորի, և դրանով ներկայացնում է մեր առաջ նագեիլութեան և գեղեցկութեան մի տիպար, որ վարդարուած է երկնային լուսոյ շողերով: Այս ներգործութիւնը անուամբ է և այն մարդը, որ Աստուածանից ստանալով ահագին հարստութիւն, մշտապէս և ջերմ սիրով նուիրում է նրան հաւատի և ողորմածութեան գործին: Այս ներգործութիւնը անուամբ է նոյնպէս և այն հիւանդը, որ մահուան անկողինում այլ ևս անկարող լինելով գործել, գուցէ և ողորմու-

Թեամբ ապրելով, անտրտունջ ծառայում է Աստուծոյն, խոնարհեցնելով իւր գլուխը նրա Հայրական աջի տակ. և իւր սրտաշարժերախտապիտուլթեամբ սովորեցնում է մեզ կարմրել մեր անշնորհակալութեան Համար:

Այս բոլոր տեսանելի և գաղտնի գործերը, այս բոլոր յայտնի և անյայտ գոհաբերութիւնները, այս բոլոր չարչարանքները, ինքնուրոյնութիւնը պահպանում են եկեղեցին, տարածում են ճշմարտութիւնը, փրկում են աշխարհը: Ոչնչացրէք այս ամենը, այնուհետև ի՞նչ կմնայ ձեր ձեռքում չարութեան ուժի դէմ: Ուրիշ ի՞նչ գորութեամբ կարող կլինէք դուք ընդդիմադրել նրան, խորտակել նրա ոյժը: Ի՞նչ կպատահէր—եթէ սրբութիւնը մշտապէս չներգործէր քրիստոնէական գթասրտութեան Հետ, որ ամեն օր, ամեն ժամ ներշնչում է եկեղեցուն և ամբողջ աշխարհին վերանորոգած կեանք: Ի՞նչ կլինէր ովկիանոսը եթէ նրա ջուրը կորցնելով աղիութիւնը անհամանար և իւրաքանչիւր մակընթացութիւնից յետոյ տիերում թողնէր մահառիթ, վարակիչ արտաշնչութիւնք: Ի՞նչ կպատահէր այն Հասարակութեան Հետ, որ կորցրել է Աւետարանի աղբ: Ի՞նչ կպատահէր ներկայ փայլուն քաղաքակրթութիւնը, որ կրում է իւր մէջ այսչափ սկեպտիկականութեան և քայքայման տարրեր: Նայեցէք Հին աշխարհի վերայ 40 դարից յետոյ, աշխարհի՛ որ Հեծում է բռնութեան տիղմի և աննկարագրելի ապականութեան մէջ:

Սրանից բղխում է նոր ոյժով այն՝ ինչ որ ասացի մարդկային խօսքի մասին: Ես ասացի որ ճշմարտութեան խօսքը չէ կարող ոչնչանալ. բայց միթէ կարծում էք, որ Հաւատոյ, ողորմածութեան գործը կարող է երբ ևիցէ ոչնչանալ. երբէք. նա մտնում է բարութեան անսահման շրջանի մէջ, որ մեծանում, ամրապնդվում է մեր Հաւատարմութեամբ, աղօթքներով և անձնագոհութեամբ: Որքան չճանաչուի և անընդունելի լինի նա, այնուամենայնիւ կծառայի նորան, որ Աստուծոյ արքայութիւնը երկրին կմօտեցնի: Անձնուրացութեան և ողորմածութեան իւրաքանչիւր սիրագործութիւն, եկեղեցւոյ Համար յաղթութիւն է, չարութեան թագաւորութեան Համար պարտութիւն: Ամենայն անձնագոհութիւն, որ

ազդում է հաւատը, ճշմարտութեան ամենաստոյգ յաղթանակն է կազմում: Մի քանի շաբաթ առաջ անգլիական մի նախորասուզուեց Փրանսիական ասիերի մօտ, տանելով իւր հետ անյատակ ուկրանոսի մէջ 200 մարդկային արարածներ: Բայց այդ նաւի վերայ, այդ զարհուրելի տեսարանի և ուժգին փոթորկի ժամանակ ազօթքի մրմնջումներ էին լսվում, աստուածային խօսքը թնդում էր իւր բոլոր փառահեղութեամբ: Վերջին ըոպէում, երբ նաւից արձակում էին միայնակ մնացած մակոյկը, մի հերոսական տեսարանի հանդիպեցին: Կորնչողները մակոյկը թողել էին նրանց, որոնց կեանքը աւելի օգտակար էին համարել. և երբ մակոյկը հեռանում էր, արդէն ալիքների մէջ խորասուզուող նաւի տախտակամածի վերայ տեսան քարոզչի կնոջ, որ իւր վերարկուն հանելով գծեց մակոյկի վերայ, որպէս զի փրկուողներինց մէկին՝ ցրտից պահպանէր: Քրիստոնէական սիրոյ այս սրտաշարժ և վսեմ քաջագործութիւնը միթէ՞ կարող է ծածկուած մնալ այն ուկրանոսի ալիքների տակ, որը ծածկեց այդ թշուառների դիակները. երբէք: Նա մշտնջենսպէս կենդանի կմնայ մեզ համար: Նա, պատուաւոր տեղ կգտնի այն հրաշալի պատմութեան մէջ, որտեղ գտնվում են այն ամեն անձնագոհութիւններն, որոնք դուրս է հրաւիրել աշխարհի վերայ Քրիստոսի ոգին: Այդ սխրագործութիւնը կմիանայ այն անընդհատ պատերազմի հետ, որ քրիստոնէական սէրը մղում է եսականութեան դէմ. նա՛ ճշմարտութեան յառաջադիմութեանը, առաւել լաւ կծառայի, քան մեր խօսքը:

Հենց այս ըոպէիս ես ցոյց տուի այն ազդեցութիւնը որ քրիստոնէական կեանքը պէտքէ առաջացնի իւր շուրջը: Բայց այդ պատկերի մէջ արդեօք դուք ձեզ տեսել — ճանաչել էք, և ձեր շրջապատողների վերայ թողել էք այդ թափանցող ներգործութիւնը:

Ի զուր են դատապարտում խիստ բարեպաշտութիւնը, որ խորշում է մարդկանց հետ շփուելուց. մինչև անգամ հեռանում է հասարակական կեանքից և սրբութիւնը կարելի է համարում միայն այն շրջանում, որի մէջ ինքը փակուում է: Ասում են, որ քրիստոնեան իւր ժամանակակիցների հասկացողութեան, կեանքի ուղղութեան հետ պէտք է յարմարուի, և որ չկայ մարդկային գործունէու-

Թեան ոչ մի շրջան, որտեղ կրօնը չկարողանար թափանցել. նա՛ եւ քաղաքականութեան, եւ գիտութեան, եւ գեղարուեստի, եւ գրականութեան մէջ է: Ե՞նչպէս կարելի է, որ չապականեալ սիրտը չուրախանար նկատելով այս բոլոր իրան սպասող ճանապարհները. ուրախութեամբ նա այնտեղ ներս կմտնէր: Բայց չարք է թէ՛ նրան կյաջողի՝ աշխարհ մտնել Քրիստոսի ոգւով: Եթէ նա կորցնելու է բարեպաշտութեան իսիստ բնաւորութիւնն և դառնալու է աշխարհում տիրապետող գաղափարներին, զգացմունքներին և լեզուին՝ առաւել լաւ է նրա համար առանձնութիւնը, որովհետեւ առանձնութիւնը, չնայելով որ տարօրինակ և մուսյլ բան է, այսուամենայնիւ ոյժ է: Հեռանալով մարդկանցից կարելի է նրանց վերայ ներգործել աւելի ուժով, քան որքան մտածում են: Մենք գանգատվում ենք որ հազուադէպ են սեպհական համոզմունք և գորաւոր բնաւորութիւն ունեցող մարդիկ, բայց այդ տեսակ համոզմունքներ և բնաւորութիւններ աշխարհում ձեռք չեն բերվում: Ճանապարհի եզրում և քաղաքային փոշոտ այգիներում դուք չէք տեսնիլ կաղնի, որ դէպի երկինք բարձրացնէր իւր հսկայամարմին բունը և ամեն կողմի վերայ տարածէր իւր լայնածաւալ, գորաւոր ոստերը: Այդպէս և աշխարհային շրջանների քնքշացած մթնոլորտում, դուք չէք տեսնիլ գորաւոր, քաջասիրտ մարդիկ, որ ընդունակ լինէին ցանկանալ և ներգործել: Ամենամեծ մարգարէները ապրում էին անապատում:

Այդպէս և նա՛, որ ցանկանում է ճշմարտութեան քարոզիչ լինել պետք է ճանաչէ բարոյական առանձնութիւն: Ամենալաւ հասարակութիւնն էլ թուլացնում է մեր ջիւրի գորութիւնը: Մենք ինքներս չնկատելով ենթարկուում ենք ուրիշների կարծեաց ազդեցութեան և շատ անգամ զոհում ենք նրանց այն՝ ինչ որ լաւ է մեզ համար, զոհում ենք ճշմարտութեան այն մասը, որը աշխարհ մտցնելու կոչուած ենք: Ես վստահանում եմ պնդել, որ բարոյապէս հիւանդ կարելի է համարել այն կրօնական հասարակութեան, որը չցիտէ հոգւով կենդրոնանալ Աստուծոյ առաջ: Աշխարհում ապրելով դիւրութեամբ դրաւուում են տիրապետող գաղափարներից, նախապաշարմունքներից և անարդարութեամբ դէպի մարդիկ: Աշխարհում ապրելով բարեպաշտութեան ամենատեսակ դիմակներ կարելի է կրել,

ինչոր միայն նորաձևութիւն է համարուում:

Եւ այսպէս ի՞նչ կարող է առաջանալ եթէ քրիստոնեայն անմիտաբար շփուէր նրանց հետ, որոնց խորթ և օտար են նրա հաւատն ու յոյսերը: Նա չէ նկատում որ այդ վտանգաւոր հազորդակցութեան մէջ ամեն բան կորցնել կարող է և ոչինչ չշահիլ: Եւ ճշմարիտ, նայեցէք ո՞րպիսի արագութեամբ աշխարհին յաջողում է խլել նրանից այն համոզմունքները, որոնք կազմում են նրա զօրութիւնը: Կրա համար նա գործադրում է ամեն բան. սպառնալիք, վրէժ, խոստմունք, երկիւզ և ահա համնում է այն օրը, երբ այլ կորցնում է իւր զօրութիւնը: Այնուհետև տխրութեամբ հարցրնում ես. արդեօք նա կարող կլինի՞ երբ և իցէ նրան ձեռք բերել: Եւ ո՞րքան քրիստոնեական կեանքեր, որ երբեմն լի էին ամենայն ջերմութեամբ, ունեցել են այս տեսակ ցաւալի վախճան: Աշխարհը աւելի և աւելի ամրապինդ փաթաթում է նրանց իւր ցանցի մէջ, հարստահարում, ուժաթափ է անում:

Այդպիսիներից այլ ևս ոչինչ բարիք մի՞ սպասէք: Ազորմածութիւնը աւելի և աւելի անհնարին է դառնում. և Աստուծոյն ծառայելու միտքը այլ ևս հրապոյր չունի և չէ հրապուրում նրանց սիրտը:

Տէր, ազատի՛ր մեզ այս տեսակ վախճանից և ներշնչելով մեր սրտի մէջ փրկարար ճշմարտութիւնը, պորացրու մեզ՝ հաւատարմութեամբ և հաստատամտութեամբ ծառայելու նրան ցգերէցման:

(Բերսիէ).

Խ. ք. Խ.

ԲԱՆԱՍԻՐԱԿԱՆ

Բ.

ՍՏՐԿՈՒԹԵԱՆ ԲԱՐՈՅԱԿԱՆ ԱԶԴԵՅՈՒԹԻՒՆԸ

ՀԻՆ ՀԱՍԱՐԱԿՈՒԹԵԱՆ ՎԵՐԱՅ.

(չարո-նախո-բի-ն)

Բոլանդախ-բի-ն գլխոյ: Ստրկութիւնն անբարոյականացրեց տէրերին և ստրուկներին հին աշխարհում: — Հոովմայեցւոց կայսերութեան մէջ չկային օրէնքներ, որոնք սահմանափակէին մեծատանց հաճոյքը: — Կայսրների փորձերն այս օրէնքները դնելու անյաջող եղան: — Այս անյաջողութեան պատճառները: — Նախնի մատենագիրների թողած նկարագիրն այն խստութեանց օրինակների, որ տէրերը գործ էին զնում ստրուկների դէմ: — Այս գործում մեծատուն տիկնայք մրցող են դուրս գալիս տղամարդոց հետ: Եւովնալի և Օվիդիոսի թողած նկարագիրը մեծատուն Հոովմայեցի կնոջ իւր զարգարանաց ժամանակ: Լուկիանի և Սենեքայի թողած պատկերները մեղկացած Հոովմայեցի մեծատան պարապ կեանքից: — Ստրկութիւնն ապականում է երիտասարդ մեծատանց, սոցա քնքոյշ հասակից սկսած: — Ստրուկ-ստնտուներն և ստրուկ դաստիարակներն անխիղճ կերպով ի չարն են գործ զնում ծնողաց հաւատարմութիւնը: — Ստրուկների հաճոյակատարութիւնն ապականում և գեղխացնում է երիտասարդ տէրերին և զարգացնում ամենամօթալի անառակութիւն երիտասարդ մեծատանց տներում: — Պլատոսի թողած մի քանի բնտանեկան պատկերներն այս կեանքից: — Հոովմայեցի մեծատուն կանանց գեղիութեան օրինակներ և կայսրների նորա առաջն առնելու ճիգերը: — Ստրուկների դառն վիճակը հին հասարակութեան և գերդաստանի մէջ: — Ստրուկն, բոս հասկացողութեան հնոց, հոգի չունի, նա անձնաւորութիւն չէ, բանական արարած չէ, այլ անբան կենդանի: — Նրան տալիս

են մականունն, ինչպէս շան, բայց նա մարդկային անունն չունի: — Ստրուկը չպէտք է և չէ կարող ունենալ ընտանիք: — Մի քանի տէրեր ամենեւին թոյլ չեն տալիս ստրուկներին ամուսնանալ: — Միւսները ստրուկների ամուսնութեան վերայ նայում են, ինչպէս արդեանց աղբիւրի վերայ և նպաստում են ստրուկների հօտի բազմանալուն, իրանց օգտի համար: — Մի քանի ստրկատէրեր ստրուկ կնոջ խոստանում են ազատութիւն երէք զաւակների համար, որոնք մնում են ստրուկ նոցա տիրոջ տանը: — Հռովմէական իրաւաբանութիւնը չէ ընդունում պսակ ստրուկների մէջ, մինչև անգամ չէ ճանաչում նոցա մէջ ազգականութիւն, չտեսնելու է դնում կանանց հասարակաց լինելը նոցա մէջ և արեան խառնումն: — Երբ ստրուկ կինը ծնում է, տէրն իսկոյն առնում է նորածին որդուն և ծնողներն իրաւունք չունին նրան իրանցը համարել. տէրը կարող է ստրկի ընտանեաց անդամներին ծախել զանազան անձանց: — Ստրուկների անձնագոհութեան ազնիւ օրինակներ և այսպիսի դէպքերում արտայայտուած ծնողական և ամուսնական զգացմունքները նոցա մէջ. տէրերի խստասրտութիւնն այսպիսի դէպքերում: — Ստրուկների ծանր վիշտը մեծատանց տներում, որոնք նրանց յուսահատութեան են հասցնում: — Յուսահատութիւնը երևում է ստրուկների շուայտութեան մէջ և հասցնում է նրանց անձնասպանութեան և խելագարութեան:

Հեթանոսական փրկիսոփայութիւնն անկարող է ստրկին մխիթարութիւն տալու՝ նա նրան խորհուրդ է տալիս իւր թշուառ զրութիւնից ազատուելու համար գիմել միակ միջոցին — այն է անձնասպանութեան: Աշտալի վիճակ կին — ստրկի հին աշխարհում: — Անել վիճակ արձակուած ստրկուհիների: — Բարձր զգացմանց օրինակներ հին աշխարհի ստրկուհեաց մէջ

Մինչև ցայժմ գննում էինք ընկերական և տնտեսական չարիքն, որ ստրկութիւնն մտցրեց հին աշխարհը: Այն չարիքն երևեցաւ հին հասարակութեան կեանքի խանգարման մէջ, հարստութեան անկանոն բաժանման մէջ, ձեռագործութեան և առևտրի զաւանսա-

փակման և երկրագործութեան անկման մէջ:

Աւելի ևս վնասակար եղաւ ստրկութեան ազդեցութիւնը Հասարակութեան բարոյական վիճակի վերայ:

Իրականապէս կարելի է ասել, որ ստրկութիւնն անբարոյակաշնացրեց Հին աշխարհը: Մենք տեսանք որ ազատ աշխատանքի բացակայութիւնն այնպիսի աղքատութեան Հասցրեց ժողովրդականներին (պղեբէյներ), որ պետութիւնն ինքն և մասամբ էլ մեծատունը ստիպուած էին հոգալու պարապ ժողովրդեան բազմութեան ապրուստը: Ժողովուրդը վարժուեցաւ նպաստ ստանալու, իբրև օրինական հարկ և սովորելով ապրել ուրիշի հաշուով անրնդունակ դարձաւ աշխատանքի համար, թուլացաւ և ընկաւ ստորնութեան և գեղիութեան մէջ: Բայց աւելի դառն հետեանք ունեցաւ ստրկութիւնը Հասարակութեան անկման պատճառ եղողներին՝ տէրերի և ստրուկներին համար: Տէրերն ապականեցին ստրուկներին և սոքա տէրերին, աստիճանաբար երկուսի բարոյականութիւնն էլ աւելի և աւելի ստորացաւ նրանից, որ տէրերին տուած էր իրաւունք՝ ամեն ինչ պահանջելու և ամեն ինչ գործելու անպաշտպան ստրկներին հետ, իսկ վերջիններին մասն և բաժին ընկել էր համբերութեամբ ամենայն ինչ տանել:

Սխտերն ընդարձակ արժաանքեր են գցում Հին Հասարակութեան մէջ, ընտանեկան կապերը սկզբում թուլանում են, իսկ յետոյ բոլորովին լուծուում և ընտանիքը դադարում է պետութեան նեցուկը լինելու: Ստրկութեան Հին Հասարակութեան վերայ ունեցած ազդեցութեան այս վերջին կողմը կլինի մեր գննութեան առարկայն ներկայ գլխում:

Ոչ մի տեղ և երբէք այնպիսի անսահման իշխանութիւն կենդրոնացած չէ եղել, որպիսին ունէր կայսերութեան ժամանակի հռովմայեցի մեծատունը ստրուկներին վերաբերութեամբ: Մի մեծատան ծառայութեան և զուաճութեանց համար այստեղ նշանակուած էին ստրուկներին ամբողջ խմբեր: Այս թշուառ խմբերի համար օրէնք էր միայն նոցա տիրոջ հաճոյքը: Եթէ տէրն անգութ էր, սա ունէր իրաւունք չարչարելու իւր ստրուկներին, որքան կուգէր, զրկելու նրանց կեանքից ամենատեսակ և չարալուկ եղանակներով, առանց

պատասխանատուութեան մէկի առաջ: Եթէ նա անառակ էր և խառնակեցիկ, նորա ստրուկները բազմութիւնը պարտական էր կորցնելու ամեն ամօթ: Ի զուր ոմանք Կայսրներից կամեցան օրէնքներով սահման դնել ստրկատերերի կամայականութեան և խստութեան. նոցա բարենպատակ փորձերը շատ թոյլ հետևանքներ էին ունենում. օրէնքի մեռեալ տառը անկարող էր փոխել բարքերը: Սրէնքն միայն այն ժամանակ մեծ ոյժ ունի, երբ թէ օրէնսդիրն և թէ հասարակութիւնն, որոյ համար նա գրուում է, համոզուած են օրէնքի անհրաժեշտութեան և արդիւնաւորութեան մէջ: Հռովմայեցի ընտիր կայսրներին շրջապատողները սովորաբար ստոյիկեան փիլիսոփայք էին. նոքա էին կայսրներին թելադրում հակաստրկական օրէնքները, բայց հասարակութիւնն, որ հասել էր գեղիութեան և կամայականութեան վերին աստիճանին, միշտ թշնամաբար ընդունում էր այսպիսի օրէնքներն և աշխատում էր նրանց դանցառութեան տալ: Միւս կողմից օրէնստուն պէտք է ինքն անպայման կերպով բարձր լինի այն հասարակութիւնից, որին նա օրէնք է տալիս և ամենից առաջ յարգէ օրէնքն՝ բայց ի՞նչ ներգործութիւն կարելի է անել, երբ ստրկութեան դէմ օրէնստու զուրս է գալիս զորինակ Ներոնն, որ օրէնք հրատարակեց, որով հրամայում էր քաղաքների կառավարիչներին «ընդունել գանգատներ ստրուկներից, եթէ նոքա զոհ են դառնում իրանց տերերի խստութեան, գեղիութեան և ժլատութեան և որ չէր թոյլատրում «արտանք օրէնստու» արտանքն», այլ լուր տիրոջ վկայութեամբ դատապարտել ստրկին դառնալու կերակուր վայրենի դազանների»: Խիստ Կոմիտիանոսը կրկնեց Ներոնի այս օրէնքներն և բացի դրանից արգելեց «տերերին անգթութեամբ կամ անբարոյականութեամբ խեղել ստրուկներին և կամ վաճառել նրանց սուսերամարտիկների խմբերի համար»:

Անտոնիոս հրամայեց գնել տերերից այն ստրուկներին, որոնք կը դիմեն կայսեր արձանի պաշտպանութեան: Անդրիանոս և Անտոնիոս փորձ փորձեցին պատժել անգութ տերերին. առաջինը մինչև անգամ մի տմարդի մեծատուն կնոջ աքսորքի դատապարտեց, իսկ երկրորդը մի բարբարոս ստրկատիրոջ զրկեց բոլոր ստրուկներից: Բայց հասարակութիւնն այնպէս սպականուել էր, որ այդպիսի օ-

ընթացների վերայ գրեթէ ուշադրութիւն չէր դարձնում, որ ապացուցանուում է նրանով, որ մի և նոյն օրէնքները գրեթէ ամեն կայսերները կրկնում էին մինչև Կոստանդիանոս Մեծը: Իսկապէս այդ օրէնքներն ոյժ և զօրութիւն ունենալ էլ չէին կարող, երբ մի քանի կայսրներ, սոցա շարքում և Օգոստոսն, իրանք մեղանչում էին նոցա դէմ, անձամբ խստութեան օրինակներ ցոյց տալով: Այսպէս Մակրինոս կայսրն իւր ընդոժիններից Կալպուրնուս էր անուանուում իւր անասելի անգթութեան համար գէպի ստրուկները:

Սենեքան իւր *de ira* (յաղագս բարկութեան) երկասիրութեան մէջ թողել է «արտաբնական յեղափոխարան այն խառն-ճնանց, որոնք արտաբնական լինելու են արտաբնական փոթելու» արտաբնական: Սարսափի ազդեցութիւնից այս ազնիւ մարդու սրտի խորքից բխում են աղաչանք հարուստներին, մեծատուններին և իւր ժամանակի կասկածաբաններին, որպէս զի նոքա իրանց վարմանց մէջ անպաշտպան թշուառ ստրուկների հետ չափաւորեն իրանց բարկութիւնը: Բայց կարծես, նորա պաղատանքներն էլ այնքան ազդեցին հասարակութեան վերայ, որքան ազդեցութիւն արաւ Սենեքայի նոյնանման գիրքը *De clementia* (յաղագս գթութեան), որ նա նուիրել էր իւր մարդասպան սանին՝ Ներոն կայսեր: Քանի որ հռովմայեցիք աւելի բարոյապէս ապականուում էին, նոցա բնաւորութիւնը թուլանում էր և նոցա մէջ զարթում էին զազանական բնագրուներ: «Մեղկ թեթեւամիտ կեանքն», ասում է փիլիսոփան, մարդոց զիւրազրզիւ է անում: Արդեօք չէք նկատում դուք, որ ինչքան հարստութիւնն աւելանում է, այնքան զօրանում է և խստասրտութիւնը: Նայեցէք հարուստների, ականաւոր անձանց վերայ, կառավարիչների վերայ՝ յաջողութիւնը փքում է և կարծես զօրացնում է նոցա սրտի դադարկութիւնն ու թեթեւամտութիւնը: Նոցա ականջները վարժուվում են շողորթութեան և փայփայանքների, բաղաւորութիւնը սնուցանում նոցա մէջ բարկացկոտութիւն: Եւ այն որպիսի բարկութիւն: Սա անզուսպ փոթորիկ է, որ սարսափ պէտք է բերէ նոյն իսկ բարկացողի վերայ և որոյ գործիքներն են՝ դատ, խարազան, բանդ խաչ, խարոյկ, երկաթեայ ճանկեր, շղթայ, ամենատեսակ կտտանք,

շանթացած երկաթ ճակատի վերայ խայտառակութեան կնիքը դրօշմելու համար, վայրի գազաններով լի այրեր: Մեզ յայտնի է հների անգութ սովորութիւնը դրան մուտքի մօտ շղթայակապ անել ստորուկ — դռնապանին այնպիսի շղթայով, որով մենք կապած ենք պահում գամփու շներին. դեռ Պլաւտոսի ժամանակ այս սովորութիւնը գործածական էր:

Կղաւտիոս կայսեր ժամանակ հրատարակուեցաւ օրէնք, որ արգելում էր խստասիրտ տէրերին իրանց հիւանդ ստրուկներին Տիբերիս գետի մէջտեղում գտանվող ամալի կղզին տեղափոխելու և այստեղ յանձնելու նրանց բաղդի բերմունքին: Այլ տէրեր իրանց հիւանդ ստրուկներին մորթել էին տալիս ինչպէս անասուններին, որ մենք տեսնում ենք նոյն իսկ օրէնքից: Սենեքան պատմում է, որ Վեղիոս Պոլլիոնոսը իւր յանցաւոր ստրուկներին գցել էր տալիս միւռենէս ձկների ձկնոցն, որպէս զի այդ համեղ ձկները կերակրուին մարդոց դիակով և գիրանան: Խստասրտութիւնը մի քանի մեծատանց մէջ դառնում էր սովորութիւն, նոքա կարծես ախորժում էին արեան ճաշակին և մի հոտը կարծես նոցա վերայ մի տեսակ առանձին արբեցուցիչ ազդեցութիւն էր գործում:

Վալերիոս Մեսսալան, որ Յգոստոսի ժամանակ փոխհիւպատոս էր Ասիաում, մի օրում 300 հոգի մահուան դատապարտելով գլխատած զոհերի մէջ շրջելով ասում էր. «Աս արքայական գործ կատարեցի»: Ագենիոս Պոլլիոնոսն իւր նամակում առ Կիկերոն պատմում է յայտնի մեծատուն Բալբայի մասին, որ նա հրամայել էր մի հոռվմայեցի քաղաքացու գազաններին կուր տալ. նախ քան իջնալ էր համար: Ամենապատուաւոր անձինք, ասում է Սենեքան, զայրանում էին, եթէ աւագանի համար պատրաստած ջուրը չէր լինում որոշեալ աստիճանի ջերմութեան, եթէ ստրուկը կոտրում էր մի ապակեայ աման, եթէ նորա ոտնամանները լաւ մաքրած չէին, եթէ ստրուկը շուտով չէր կատարում տիրոջ հրամանը, եթէ տիրոջ մատուցած ըմպելիքը զովարար չէր, եթէ անկողինը լաւ փռած չէր և կամ սեղանը լաւ յարդարած չէր: «Եթէ ստրուկը կհազայ կամ կփռշտայ ճաշի ժամանակ, շարունակում է նոյն մատենագիրը, եթէ նա մեծ եռանդով չէ քշում ճանճե-

րին մեզանից, եթէ նա յանակնկալս վայր կգցէ բանալին, մենք կատաղում ենք: Եթէ նա կահկարասիքը շարժելիս աղմուկ է հանում, եթէ նա չգիտէ գինին ձնով պաղեցնել, մենք դիւահարում ենք: Եթէ մեր ստրուկն արտասանում է խօսքերը բարձրաձայն, եթէ նորա կրեսը տխուր է, եթէ նա խօսքերն այնպէս ցած ձայնով է արտասանում, որ մենք չենք կարողանում լսել, ի՞նչ իրաւունք ունենք նրան խարագանով ծեծել և կամ հրամայել շղթայակապ անելու: Բնդհակառակն հէնց այսպիսի չնչին պատճառներով մարդոց շղթայակապ են անում, անխնայ ծեծում, յաճախ այնպէս իրիստ են ծեծում, որ խեղանդամ են անում, ատամները փշրում և ահա մարդն ընդ միշտ խեղած է միայն այն պատճառով, որ մենք չցպպեցինք մեր բարկութիւնն և չիմացանք համբերութեամբ գինուելու»: Ստրկութիւնն այնքան ապականեց բարբերն, որ ամեն վերաբերութեամբ օրինաւոր և հեզ մարդիկն էլ իրանց համար անպատիւ և խայտառակ գործ չէին համարում ստրկին տանջելը: Պլուտարքոս, որ մեծ մարդոց սխրագործութեանց նկարագիրը մեզ թողեց, մի բարձր կրթութեան տէր անձն էր. բայց նոյնպէս ազատ չէր խստութիւնից դէպի ստրուկները:

Պատմում են, որ մի օր նա տեսնելով ստրկի չարաճճիութիւնքը, հրամայեց նորան ծեծել: Ստրուկը, լինելով ուսեալ անձն, Պլուտարքոսի դուրսիւններից վկայութիւն առաջ բերեց բարկութեան վնասի մասին: Այն ժամանակ Պլուտարքոս սկսաւ ապացուցանել, որ ինքն ամենևին չէ բարկանում և դառնալով դէպի դահիճն ասաց, «մինչև որ մենք քո ընկերօջդ հետ փիլիսոփայութիւն կանենք, ինչդրեմ, դու նրան ծեծիր մտրակով»: Եւ վենալոսը պատմում է Ռուտիլիոսի մասին, որ նրան ոչ մի երաժշտութիւն այնպէս չէր դուր գալիս, ինչպէս մտրակների ձայնը կամ Պոլիֆէմոսի մասին, որ երբէք այնպէս ծիծաղած չէ, ինչպէս երբ երկու անձեռոցիկների կորուստի համար պատահեցաւ հրամայել դահիճին շանթացած երկաթով կնիք դրօշմել ստրկի վերայ: Պետրոնիոս ասում է, որ մի աննշան յիմար անձն Տրիմալցիոն հրամայում է խաչել Միհրդատ ըստրկին նորա համար, որ այս խեղճը ծիծաղել էր տիրոջ վերայ: Սենեքան նկատում է, որ իւր ժամանակի մեծատանց գրեթէ բոլոր օրն

անցնում էր ստրուկների դատաստանն անելում ու նրանց պատժելում :

Մի դար Սենեքայից յետոյ, Դիոն Խրիզոստոմոս իւր շարադրութիւններից մէկի մէջ գոչում է. Ո՛հ որքան հոգսերի առիթ են լինում մեզ այս ստրուկները. Տէրը միշտ պիտի անհանգիստ լինի վէճերով նոցա հետ, նրանց պատժելով և իարազանելով, հարկը պահանջում է անդադար յանցաւորներին շղթայակապ անել կամ փախըստականներին կալանաւորելու համար մարդիկ արձակել նոցա ետեւից :

Կանայք հին աշխարհում պակաս ի պատերազմ զէին, քան արաւմուրդիկ : Ո՛վ չէ յիշում Նուվենալի երգիծաբանութեան սարսափեցուցիչ վեցերորդ տունը, ուր նկարագրած է հռովմայեցի տիկնոջ յարգարանքը : Դահիճը գանակոծում է խղճուկ ստրկուհուն : Այս միջոցին նորա տիրուհին սնգուրուում է, շատախօսում է իւր ընկերներին հետ, հրամայում է իւր առաջ փոել ոսկեթելով կարած իւր շորը : Դահիճը շարունակում իւր գործն և երբ ձեռքերը կտիւ են ընկնում դադրելից, տիրուհին իւր քայցը ձայնով դոչում է նոր ծեծուած ստրկուհուն «Այստեղ ե՛կ» : Աղախինը ներս է մտնում և տիրուհին դառնում է դէպի նա նոր յանդիմանութիւններով : Կեզճ Պսիխէան, որոյ մագերն անկարգ էին նոր ստացած տանջանաց պատճառով, ուսերը մերկ, կուրծքը բաց, սկսում է տիրուհու մայերը յարդարել : Ինչո՞ւ այս խոստովիկը դանգրացրած չէ կրկին բարկանում է տիրուհին : Դահիճը նորից կպատժէ ստրկուհուն այն մագերի համար, որոնք չեն կամենում գանգրուել : Պսիխէայի յանցանքն ի՞նչ է : Նորա մեղքն է, որ տիրուհու պատկերն իրան չէ դուր գալիս : Օվիդիոսի Կորիննան հարիւր անգամ ստիպում է աղախինին փոխել մագերի յարդարանքը. բայց գնդասեղով չէ ծակծրկում նրան կամ սանդրով չէ ճանկուտում, ի մեծ զարմանս Օվիդիոսի : Կորիննայի այսպիսի հեզութիւնը դուցէ նրանիցն էր, որ Օվիդիոսը մի անգամ իւր գգուանքն էր յայտնել այնպիսի գեղեցիկ կանանց մասին, որոնք լացացնում են իրանց աղախիններին, նոցա մագերը յարդարելու ժամանակ : Բայց Կորիննան էլ ազատ չէր խըստութիւնից : Օվիդիոսն ամեն օր տեսնում է նորա դռնապանին շրջթայած տան դռների մօտ և այս խղճուկը շատ անգամ Օվիդիոսի

պաշտպանութեամբ միայն իւր ուսերը մտրակի հարուածներից զերծ պահեց: Նուվենալոս գրում է, որ մի տիկին խնդրում է իւր ամուսնուն իսաչել մի ստրկի և երբ ամուսինը չէ կամենում կատարել նորա ինդիրը, կինն արհամարհանքով ասում է. «Թշուառական, դա հօ ստրուկ է, մի՞թէ ստրուկը մարդ է»:

Ահա ոչք էին մեծ Հռովմի և Հին դասական դարերի ստրկատէրերը: Նոցա ամարդութիւնը սոյորական բան էր, նոցա բարկութիւնը սահման չէր ճանաչում և գործ էր դնում ամեն տանջանք և կտտանք. նոքա առանց պատասխանատուութեան սպանում էին թշուառ էակներին, որոնք յանձնուած էին նոցա լիազօր իշխանութեան: Յաւալի է յիշել, որ աննշան մի սխալանք, կամ մի շաղակրատի-խաբեբայի գուշակութիւն յաճախ խեղճ ստրկին կեանքից էր զրկում: Աւելի ցաւալի է, որ այս խստութիւնը առաջանում էր ոչ թէ գշարութիւնից, այլ բնական էր և հետեւանք ստրկատիրոջ մեղկութեան, նորա անընդունակութեան, անսովոր լինելուն անձամբ մի գործ կատարելու, նորա դալկացման, որ թոյլ չէր տալիս նրան որ և է ճիգն թափելու: Այս մեծատուններն առանց կամքի, առանց խելքի, ջղային, ամեն բանի վերայ գանգատող, թոյլ, չնչին անձինք գոլով, ներկայանում են իբրև ողորմելի էակներ և կենդանի արտայայտութիւնք այն չարեաց, որ հասցնում է հասարակութեան ստրկութիւնը: Նրանցից ոմանք, չգիտենալով թէ ինչպէս անցնեն իրանց ժամանակը, անց էին կացնում օրը հրամայելով տեղափոխել իրանց սենեակից սենեակ, տնից տուն, ման ածել իրանց բազկաթոռի կամ պատգարակի վերայ նստած այլք անցկացնում էին օրն ամեն ժամ աւազան մտնելով և յետոյ ուտելով: Եթէ նոքա գնում էին զբօսնելու, ստրուկների բազմութիւն գնում էր նոցա առաջից և իրանց տէրերին նախազգուշացնում էին, թէ որտեղ պէտք է իջնել և ուր բարձրանալ, իսկ իրանք տէրերը նմանում են կոյրերի, ասում է Նուկիանոս: Ահա այդ երջանիկներից մէկն (Beatus), ինչպէս կոչում են նրանց բանաստեղծները, գուրս է գալիս աւագանից, նրան նստեցնում են աթոռի վերայ, բայց նա զիտէ՝ արդեօք, որ ինքը կենդանի է: Ահա նա նստում է ճաշելու, բազմաթիւ ստրուկներ շրջապատում են նրան.

սոքա գիտեն նորա բոլոր սովորութիւնքը, նոցա համար հասկանալի են նորա ակնարկներն ու շարժուածքները, նոքա գիտեն թէ որ կերակուրը նրան դուր է գալիս և որից նա զգուել է, նոքա գիտեն նորա ախորժակը բանալու միջոցը: Նոցա տիրոջ բոլոր զգացմունքները բաւարարութիւն են գտնում՝ նորա անկողինը ծածկած է վարդերով, նորա աչքերը զբաղուած են գեղեցիկ ներկայացումով, որ կատարուում է ճաշի ժամանակ, նորա լսելիքը զուարճանում են ախորժեկի երգեցողութեամբ և երաժշտութեամբ, մինչև անգամ նորա մարմինը շփող և մերսող առանձին ծառաներ կային: Ամենքն աշխատում են այս անկենդան դիակի մէջ առկայծել գէթ զգացմանց մի կայծ: Այս մարդիկ, աղաղակում է Սենեքան, աւելի հոգ են տանում իրանց մագերի քան հայրենեաց վերայ. նրանց աւելի մագերի յարդարումն է զբաղեցնում քան հայրենեաց վիճակը: Այս շուայտասէրների մէջ մի որոնէք ոչ պաշտպան և ոչ վրէժխընդիր հայրենեաց»: Սարսափնլի խօսքեր, որոնք ցոյց են տալիս, թէ ստրկութիւնն որպիսի խորին բարոյական անկման հասցրեց հին աշխարհը:

Հին աշխարհի մշտական քարոյական անկման խորութիւնն աւելի լայն հասկանանք, եթէ հայեացք փոխել հարստացող երիտասարդների դասարանը և ինչպէս վերայ: Սորբիներին յանձնաւած դասարանականութիւնը զեղխացնող և ապահանջ է երիտասարդներին սոցա դէռ ևս քիչ հասանք, երբ մարդու հոգին առանձնապէս ընդունակ է լինում արտաքին տպաւորութիւնք ընդունելու և երբ նա իբրև կակուղ մոմ արտաքին ազդեցութեամբ ստանում է ցանկացած ձևը: Մեծատան զաւակը հէնց ծնելու օրից ընկնում էր ստնտու ստրկուհու ձեռքը: Այնիւ Տակիտոսը արդարամիտ և զօրեղ հրապարակախօսութեան (ատենաբանութեան) անկումն վերաբերում է հէնց այս ստրկուհի ստնտուի սկզբնական դաստիարակութեան: Անցաւ այն ժամանակն, ասում է նա, երբ ինքն անարատ և սուրբ մայրը սրնուցանում և դաստիարակում էր իւր զաւակին, նախնեաց իրստ կարգապահութեան մէջ, իւր ձեռքերի մէջ և իւր գոգում:

Տակիտոսի ժամանակ մեղկացած ու թուլամորթ հռովմայեցի կանայք իրանց ստինքով իրանց զաւակը կերակրելու սուրբ պար-

տականութիւնից հրաժարուում էին, այլ այդ պարտականութիւնը յանձնում էին ստրկուհի ստնտուին:

Այն գերդաստաններում, ուր այր և կին բաժան էին ապրում, ստրկուհին բոլորովին փոխարինում էր մօրն և երեխան, ըստ վկայութեան Տակիտոսի, յաճախ դաստիարակուում էր ստրկուհու սենեակում: Ստրկուհին, աւելացնում է Տակիտոս, ջամբում է պարոններին այն կաթն, որով կերակրել էր ստրուկներին, որոնց վերայ ապագայում այդ պարոնը պիտի իշխէր: Նախնի փիլիսոփայ Փաբորինոսը յայտնում է այն միտքը թէ՛ ստրկուհու կաթը ազատածին մանկան մէջ փոփոխութիւն է անում, արմատացնելով նորա մէջ ստոր բնազդումներ: Այս միտքն ճշմարիտ կարող է լինել այն վերաբերութեամբ, որ ստրկուհու կաթը սակաւ սննդարար էր, որովհետև մեծատունը վատ և ժլատութեամբ կերակրում էին իւրանց ստրուկներին, բայց տարակոյս չկայ, որ տպաւորութիւն ընդունող մանկան վերայ աւելի ազդում էր ստրուկների անբարոյականութիւնը: «Այս ազդեցութիւնն, ըստ ասութեան սուրբ Հերոնիմոսի, ըստ մեծի մասին շատ ողբալի հետևանքներ ունէր. ստրկուհի ստնտուներն, ապականուած ստրկութեամբ, դայեակներն, որոնք օրօրում էին երեխային, տակաւ առ տակաւ ապականում էին փորքրիկ աղջկանց և տղայոց, որոնք և յարաբունս հասակի հասած ժամանակ էլ չէին կարողանում ազատուել նոցա վնասակար ազդեցութիւնից»: Չորրորդ դարի մի օրէնք սարսափելի մահուան պատիժ է նշանակում այն ստնտուի համար, որ իւր խորհուրդներով կօգնէ մի ցոփագնաց և լկտի երիտասարդի նորա սանուհին փախցնելու. նորա բերանն ածում էին հալած արձիճ: Պատժի տմարդութիւնն ու խստութիւնը ցոյց են տալիս, որ հին աշխարհում նման օրինակ դէպքեր շատ յաճախ էին պատահում: Ի պատիւ մարդկութեան պէտք է խոստովանել, որ եղել են դէպքեր, երբ ստրկուհի ստնտուները ցոյց են տուած ամենաքնքոյշ և անձնազոհ հաւատարմութիւն իրանց սանիկներին: Երբ ներոն, մարդասպանների հալածանքից փախչելով, վերջ տուեց իւր կեանքին անձնասպանութեամբ, նորա երկու պառաւ ստնտուներն էկլոդաս և Աղեքսանդրա, որոնք ապրում էին պալատում նորա վերջին սի-

բուհու Ակդէի Հետ, տարան նորա մարմինը թաղման խարոյկի վերայ: Երբ Դոմիտիանոս սպանուեցաւ, նորա Ֆիլլիս ստնտուն նորա մարմինն այրեց իւր այգիում արուարձանում և յետոյ գաղտագողի անօթը նորա աճիւնով տարաւ դրէց Փլաւիոսների դամբարանում, ուր և իսառնեց նորա փոշին Տիտոսի աղջկայ Յուլիայի փոշու Հետ, որին նա սիրում էր և նորա համշիրակ քոյրն էր:

Մեծատուն գերդաստաններում ստնտուի Հետ պաշտօնական դիրք ունէր և մի այլ ստրուկ դաստիարակի կամ մանկավարժի կոչումով, այս դայեակն, ըստ վկայութեան Տակիտոսի, ընտրուում էր առանց նախապէս զգուշութեան և ուշադրութեան: Յաճախ սա լինում էր մի ստրուկ, որ չունէր ընդունակութիւն ոչ մտաւոր և ոչ մարմնաւոր աշխատանքի համար. որովհետև սովորաբար ծնողներն, ըստ Պլուտարքոսի, մի քանի դէպքերի համար պահում էին իմաստուն և արդարամիտ ստրուկներին և սովորաբար այդպիսեաց յանձնում էին իրանց դրամական գործերն և կամ իրանց կալուածոց կառավարութիւնն, իսկ դաստիարակների համար այդպիսի յատկութիւնք անհրաժեշտ չէին համարում, կարծես թէ հարկաւորութիւն չկար հոգալու երիտասարդ հարստի մտաւոր զարգացման և բարի բարոյական ուղղութեան վերայ: Սուետոնիոսը պատմում է, որ Ներոնի դաստիարակներն, երբ նա ապրում էր իւր մօրաքրոջ Լեպիդէի մօտ, էին երկու ստրուկներ, որոնց մէկը պարոզ դերասան էր և միւսը վարսավիրայ: Հասկանալի է թէ ինչու Սենեքայի դասերն, որ նա ուշ սկսաւ տալ նրան, ազդեցութիւն չգործեցին այս կայսեր վերայ, որ արդէն մանկութիւնից ապականուած էր:

Իմաստուն Հռովմայեցիք, գործըինակ Կատոնն, այլապէս էին նայում գործի վերայ: Նա հրամայում էր իւր կնոջ իւր զաւակների Հետ կերակրել իւր կաթով և ստրուկների զաւակներին, որպէս զի վերջինները եղբայրական զգացմունք տաժեն դէպի իրանց տիրոջ զաւակները: Բայց նա չէր ցանկանում իւր զաւակների դաստիարակութիւնը յանձնել ստրուկ դաստիարակին, թէև սա էր յայտնի ճշմարտասէր և ուսեալ անձն: Հին Հռովմայեցին պարզապէս տեսնում էր ստրուկների օգնութեամբ կատարուող դաստիարակութեան թերութիւնները. բայց հազիւ թէ ստրուկ դաստիար-

րակներն էլ մէկը հասկանալիս լինէր իւր անընդունակութիւնը դաստիարակ լինելու համար. նոցանից ոչ ոք չունէր այնքան համարձակութիւն, որ ասէր այնպէս, ինչպէս որ Ռիոգէնեսն, որ լինելով ստրուկ իւր տիրոջ գոյնպիսի (դաստիարակ լինելու) առաջարկութեան պատասխանեց. «գարձի՛ր գէպի ազատ մարդիկը»: Դաստիարակի դրութիւնը տան մէջ շատ վշտալի էր, նա ահամայ իւր սանիկի բոլոր վատ հակամիտութեանց բաւարարութիւն պիտի տար և ուշադրութիւն չդարձնէր նորա թերութեանց վերայ: Վալերիոս Մաքսիմոսը պատմում է, որ յաճախ դաստիարակներն իրանց հրակոյտութեան յանձնուած երիտասարդների և սոցա սիրուհեաց կամ սիրականների մէջ միջնորդի դէր էին կատարում:

Տերենտիոս և Պլաւտոս լատին մատենագիրների երկասիրութեանց մէջ մենք գտնում ենք կենդանի բնորոշ նկարագիրն այն գեղի խաբերայ դաստիարակների, որոնք շատ նման են շնորհագիւտ սպասաւորներին և ֆրանսիական կատակերգութեանց ծառաներին:

Պլաւտոսի «Վաճառակա՞ն» երկասիրութեան մէջ մի երիտասարդ մեծատուն գնում է ճանապարհորդելու իւր դաստիարակի հսկողութեամբ. բայց վերակացուն ծածկում է իւր երիտասարդ տիրոջ յանցանքները, մասնակից է լինում նորա բոլոր անվայել արկածներին և խաբում է հօրը, ծերունու բոլոր կասկածները ջրելով: «Ե՛կողմ» գրուածքի մէջ ծերունի հայրն թախծութեամբ աղաղակում է. «Ո՞վ ապականեց, զեղխացրեց իմ որդուս»: Այս չարագործը — Պսեվդոլոսը — նորա գայեակը, նորա դաստիարակը: Բայց հագիւ թէ ծերունի Սիմօն իրաւունք ունենար այդպէս գանգատելու Պսեվդոլոսի վերայ: Միթէ նրան յայտնի չէ՞ր, որ հերիք էր նորա որդու մի գանգատը Պսեվդոլոսի վերայ, որ վերջինս ընկնէր բանտը, հաց ու ջուր միայն ստանալով:

Պլաւտոսի Բաքքիգայի մէջ կարգում ենք հետեւեալ մանրավէպը. Մի եօթնամիայ մանուկ յանձնուած է ստրուկ դաստիարակի, բայց հէնց որ դաստիարակը մի նկատողութիւն է անում, մանուկն այնպէս գայրանում է, որ դաստիարակի գլուխը պատռում է աղիւսակով, դաստիարակը գնում է հօր մօտ գանգատելու. բայց հայրն ասում է իւր որդուն. «շատ լաւ ես արել, իմ սիրելի որդի. տես-

նում եմ, որ դու արժանաւոր և ճիշդ ժառանգ ես իմ յատկութեանցս, դու գիտես քեզ անարդարութիւններից պաշտպանել: Ապա Հայրը յանդիմանում է մանկավարժին. «ինչ դու, անպիտան ծերունկ, չհամարձակիս պատժելու այս համարձակ քաջին»:

Ի՞նչպիսի վարկ կարող էր ունենալ յանդուգն քաջի աչքում խեղճ ծերունկն, որի Հետ այդպէս վարուեցաւ Հայրը: Ապա Բաք-բիդայի մէջ մենք կարդում ենք հետևեալ գեղեցիկ տեսարանն, որ մենք չենք կարող այստեղ առաջ չբերել: Ծերունի մանկավարժ Լի-դոսն աշխատում է կրթել, խելքի բերել իւր սան Պիստոկլէրին: Լիդոս. Դու կորած ես, դու ինձ էլ մահացրիր: Դու մոռացար այն բարի դասերն, որոնք ես քեզ տալիս էի: Պիստոկլէրոս, «իրաւ այդպէս է. ես ի զուր կորցրի իմ աշխատանքներն և դու քոնր, դաստիարակութիւնն, որ ինձ տուիր, ոչ իմ օգտին ծառայեց և ոչ քո օգտին: Լիդոս. Քո սիրտդ յափշտակուած է. Պիստ. Դու ինձ բոլորովին ձանձրացրիր. Լոիւր, Լիդ, և եկ իմ ետևիցս: Լիդոս. Այդպէս. Դու ինձ այլ ևս չես անուանում «ժ ուսուցիչ»: այլ լոկ Լիդոս. Դու սիրուհի՞ ունիս: Պիստ. Երթանք ես նրան քեզ ցոյց տամ: Լիդ. Ո՛չ, ես չեմ կարող համբերել և կերթամ բոլորը կպատմեմ Հօրդ: Պիստ. «Այդ մի անիլ, Լիդոս, զգուշացի՛ր: Լիդ. Ինչո՞ւ պիտի վախենամ քեզից: Պիստ. Յիշի՛ր որ ես այն հասակումն եմ, որ ինձ անվայել է հոգաբարձութեան ներքոյ գտնուել: Լիդ. Ո՞ր անդուռն ընկնիմ. Ես տեսնում եմ այն, ինչ որ բնաւ տեսնել չէի կամենալ. ինձ լաւ է մեռնիլ: Աշակերտը սպառնում է իւր ուսուցչին. Ես անպատկառ և լպիրշ աշակերտներ ունիմ, նոքա ինձ կսպանեն. Անգոր թշուառ մարդ եմ. Պիստ. Լաւ. ես Հերակլէսին կձեռացնեմ. և քեզ հետ կվարուեմ իբրև Լիֆոսի Հետ: Լիդ. Ի՛նչ, աւելի լաւ է, ես Փիւնիքս կգառնամ:

Ես կերթամ և կասեմ Հօրդ, դուք այլ ևս որդի չունիք: Պիստ. Հերիք է, ցնդաբանել: Լիդ. Դու ամօթդ կորցրել ես: Որպիսի ուղորմելի գիւտ է, որ դու ձեռք ես բերել անամօթութիւն: Դու կորած մարդ ես: Միթէ դու մոռացել ես, որ Հայր ունիս: Պիստ. Միթէ դու մոռացել ես, որ դու ստրուկ ես»: Կենդանութեամբ և արդարութեամբ լի այս պատկերը մարդուս ակամայ դառն մտած-

մանց մէջ է ընկզմում: Ստրկատիրոջ վերջին խօսքերն ամեն ինչ պարզում են — դաստիարակը, իւր բոլոր ազնուութեամբ, իւր բոլոր բարի գիտաւորութեամբք, անցօր գտանուում է արդիւնաւոր ազդեցութիւն գործելու իւր աշակերտի վերայ. այն՝ այս վերջինս իւր հօր ստրուկների մէջ միշտ կգտնէ նորա հաճոյքին ծառայող անառակներ: Միւս կողմից այս տեսարանն ապացուցանում է մեզ, որ և ստրուկների մէջ կային բարձր հոգիք, որոնց մէջ ստրկութիւնը չէր կարողացել խեղդել ազնիւ զբայմունքներն և ձգտումները: Հռովմէական գերեզմանատանը մի դաստիարակի գերեզմանաքարի վերայ թողած է այս արձանագրութիւնը. «ես բարեպաշտ էի և անարատ. ես ապրեցայ այնքան երկար, որքան հնար էր. ես ոչ գատուեցայ մէկի հետ, ոչ վէճ, ոչ գանգատ և ոչ պարտք ունեցայ, ես միշտ հաւատարիմ էի բարեկամացս. ես ստանում էի փոքրիկ ուժիկ, բայց դորա փոխարէն հոգիս մեծ էր»: Որքան էլ զարմանալի լինի մեզ համար այս արձանագրութեան պարզամտութիւնը, չէ կարելի չխոստովանել, որ դաստիարակների մէջ եղած են և արդար ու ազնիւ անձինք: Գուցէ մեռած դաստիարակն արձակեալ ստրուկներինցն էր նման Թեմմինիոս Պալեմոնին, որոյ մասին Սուետոնիոսը խօսում է երևելի քերականների կենսագրութեանց մէջ: Պալեմոն, որ յետոյ երևելի հռովմայեցի դաստիարակ եղաւ, որին Տիբերիոս և Վլաւդիոս կայսրների հրովարտակներով յանձնուեցաւ երիտասարդների դաստիարակութիւնը, սկզբում ստրուկ ոստայնանկ էր, յետոյ նշանակուեցաւ դայեակ: Պալեմոնը իւր երիտասարդ տիրոջ ուսումնարան տանելով, գիր սովորեց և այնքան գիտութիւն շտեմարանեց, որ ազատութիւն ձեռք բերելից յետ հռովմում գպրոց բաց արաւ:

Նարունակներք մեր հետապօտութիւնը: Ահա և էրիտասարդ Բարդն այսպէսն հասակն առաւ. Բայց առաջ. սարկոնիւնն կնիւն, որ նորա վրայ դրւել էն դոյնակն ու սարսոնն հասարակեալն ճապել է անխափափելի, ըստ ստութեան Սենեքայի: Նա երես առած և ազականած է, երիտասարդ ստրուկների նորա կամքը պաշտելով, որոնք նորա հետ միասին դաստիարակուում էին և որոնք գուցէ իրանց ստորաբարշ և անաբարոյական ծառայութիւններով, գուցէ և ազատութիւն ձեռք

բերած են: Այժմ նա նոցա տէրն է: Քսան տարեկան Հասակում այս մարդն ապականութեան և գեղխութեան բոլոր սերմերն իւր մէջն ունի, մրրկալից արիւնը եռում է նորա ջիղերում, երեակալուծիւնը անսանձ նծոյգի նման քարշում է նրան դէպի ամենահնարաւոր բաւականութիւններ:

Որպիսի տարբերութիւն է այս անհաւատ Հիթանոսի, որ ծնողներից ժառանգած է հռովմէական քաղաքակրթութեան բոլոր ապականութիւնն և իւր դաստիարակութեամբ ստացել է կատարեալ արհամարհանք դէպի ինքն ու իրան շրջապատողներն և մի քրիստոնէի մէջ, որ դաստիարակուած է արդար և բարի ընտանիքում, որ ներշնչել է նորա մէջ արիութիւն գիմագրելու զգայականութեան բոլոր հրապոյրներին, որ սովորցրել է նրան զգուշութեամբ և արթնութեամբ նայելու կեանքի վերայ և այս անցաւոր կեանքի մէջ մի նոր ինչ տեսնելու, որ և կազմում է մարդկային գոյութեան իսկական նպատակը. նա նայում է բոլոր աշխարհի և կեանքի վերայ, իբրև Աստուծոյ նախախնամութեան յայտնութեան վերայ, նորա երազներն, ինչպէս և երեակայութիւնը, սուրբ են, նորա ցնորքներն, եթէ միայն ունի, ուղղած են դէպի այն ընկերուհին, որին Աստուած նշանակել է նրան ամուսին:

Հիթանոսն այս հաւատն ապագայի մասին չէր կարող ունենալ, կրօնը չէր զսպում նորա զգայականութիւնը, այլ ընդհակառակը քաջալերում և նպաստում էր նորա գորգանալուն, հարուստի համար ամեն ինչ Հնարաւոր էր և ներելի, ստրուկներն և ստրկուհիք պէտք չէ անվայել համարէին այն, ինչ որ նոցա տէրերի համար վաւելուչ էր: «Սառնակեցիկ կեանքն ու ցոփութիւնն, որ ասում է Սենեքան, յանցանք էր ազատ ծնածի համար, անհրաժեշտ էր ստրկուհու և պարտականութիւն էր արձակեալ ստրկի համար: Ուստի և հասկանալի է, որ ամենանորբ, ամենանամօթ և անանական գեղխութիւնն էր տիրապետում հարուստների ոսկեգօծ պալատներում: Ահա ինչու հասարակապետութեան վերջին ժամանակում և կայսերութեան սկզբում ամուսնական կապերն իրանց նախկին ամուսութիւնը կորցրին:

Ապահարգանք սովորական դարձաւ: Ամուսնական կապերը յան-

կարծ լուծուում էին և կրկին միանում դրամական շահերի կամ լոկ հաճոյից համաձայն: Ինչպէս ասում է Կղեմէս Աղեքսանդրացին, «ստրկութիւնը բոլորովին իսայտառակեց պսակի սուրբ պատկերը»: Եւ յիրաւի ի՞նչ էր հարուստի կնոջ վիճակը մեծատան պալատում, որ լի էր ստրկուհիներով: Ստորացած անարժան խնայեաններից և իւր ամուսնուց յաչս ստրկաց, նա՛ կինն իւր ամուսնութեան օրից կամաց կամաց կորցնում էր իւր նշանակութիւնը տան մէջ, նորացնորքները յօդս ցնդում էին, սէրը ծաղրի առարկայ դառնում և ահա՛ տակաւ առ տակաւ նա հետեւող էր դառնում իւր մարդու անառակութեան և աստիճանաբար իջնում էր ի շարս այն անառակ տիկիներին, որոնց Եուզենալը նկարագրում է իւր «անառակ» ինչն սարսափելի վիպասանութեան մէջ: Վալիբրիոս Մաքսիմոսը գովաբանում է Սկիպիոն Ափրիկականի կնոջ նորա համար, որ այս ազնիւ տիկինը կեդծում էր, որ իբրև թէ չէ նկատում Ափրիկէի նուաճողի թուլութիւնը դէպի իւր ստրկուհիներից մէկն և նորա մահից յետ ոչ միայն ազատութիւն տուեց այս աղջկանն, այլ և վայելուչ կերպով ամուսնացրեց: Բայց ո՞վ գիտէ, որքան ծանր նրստեցաւ զուցէ այս որոշումն ազնիւ տիկնոջը: Կարծես Պլատոսս աւելի ուղիղ հայեացք գցել էր գործի վերայ և իւր «Կազինա» կատակերգութեան մէջ թողած է մեզ մեծատան կնոջ խղճալի ստորացուցման կենդանի պատկերը: Հանդիսումն են ընկերուհիք հոռովմայեցի տիկնայք Կլէոպատրա և Մուրրինա, նոքա բարեկամական իօսակցութիւն են անում, որոյ մէջ առաջինը խոստովանում է, որ իւր ամուսինն առանձին ուշադրութիւն դարձնում է նորա սուտուհու, մատաղահաս ստրկուհու վերայ և կամենում է նրան ամուսնացնել կառավարչի հետ նորա համար, որ իրան սիրուհի անէ: «Լուի՛ր աղաչում եմ, լուի՛ր» ասում է Մուրրինան: — Վախենալու ի՞նչ կա, մենք բոլորովին միայնակ ենք», պատասխանում է ընկերուհին: «Դու ի՞նչ իրաւունք ունիս այդ ստրկուհու վերայ», կրկնում է Մուրրինան, օրինաւոր կինն ոչ մի սեպհականութիւն չպիտի ունենայ առանց ամուսնու կամաց: Ամեն ինչ, որ քոնն է, նրան է պատկանում: — «Ահա՛ դու էլ իմ դէմ ես», պատասխանում է այս խօսքերին վշտացած Կլէոպատրան: «Լուի՛ր, դու ան-

միտ, կրկնում է Մուրրինան, լսի՛ր ինձ, ոչ մի դէպքում նորա հետ վէճ մի՛ բանալ: Թո՛ղ ում կուգէ սիրէ, թո՛ղ նա յափշտակուի իւր հաճոյքից, միայն որ տանը դու չտանջուիս»: Աէ կարելի չխոստովանիլ, որ այս խորհուրդներից, թէև մի փոքր կատակերգական են, բուրում է սառնութեան և քարասրտութեան հոտ, որ անշուշտ ներքին վիշտերի հետևանք է: Բայց այսպիսի ծածուկ բնաւորութիւն ունենալու ընդունակ են միայն համեստ և չափաւոր անձնաւորութիւնք, իսկ որքան կազ և վէճ, խայտառակութիւնք և չարագործութիւնք կատարուում էին իսաբուած սիրոյ առթիւ և որ աւելի սարսափելիին է, այս եղերերգութիւնք տեղի էին ունենում ստրուկների աչքի առաջ և մեծ մասամբ նոցա գործակցութեամբ և մասնակցութեամբ: «Այս կաք ու վէճերն, ասում է Ս. Յովհաննէս Ոսկեբերանը, գուարճութիւն էին ծառաների համար, որոնց բնական ատելութիւնը մխիթարուում և սփոփուում էր իրանց տէրերի կոխներով. այն կոխները զօրացնում էին ծառաների կամայականութիւնն և ինքը կոխն էլ զօրանում էր նոցա զրպարտութիւններով»:

Երբեմն այս ընտանեկան զեղխութիւնը, ստրկութեան պտուղը, հասնում էր զգուելի մանրամասնութեանց: Մի մատաղ ստրկուհի դուր եկաւ միւսնոյն ժամանակ գերդասնի հօր և սորա որդուն, երկուսն էլ աշխատում են ծածկելու իրանց անառակութիւնն օրինական պատճառաբանութիւններով. հայրը կամենում է ամուսնացնել նրան իւր կառավարչի հետ, իսկ որդին իւր կառապանի հետ: Թշուառ մայրը, կամենալով ընտանեկան խաղաղութիւնը պահպանել, ստիպուած էր հազորդ լինել որդու անառակութեան և երբ հայրը որդուն տնից հեռացնում է, նա՛ մայրը նորա բացակայութեան ժամանակ հսկում և պահպանում էր նորա արատաւոր շահերը: Այսպիսի էր կնոջ բարոյական ստորացումն հին աշխարհում: Նոյն հեղինակն իւր «Բան շափառ» կատակերգութեան մէջ նկարագրում է բարձր-բարոյական ամուսնական սէրն և նկարագրում է սրան այնպիսի գծերով, որոնց կարող էր նախանձել եւ Նեկսպիրը:

(Նորոշակելի)

(Թարգմ. Ս.)

ՃԱՆԱՊԱՐՀՈՐԴԱԿԱՆ ՆԿԱՏՈՂՈՒԹԻՒՆԵՔ

ԽԲ.

(Շարունակ — Քիւն).

Ձ — Նորավանդից. Փայտ — Կարայ. Կնիշիկի գեղը. Դարիբաւ. Ենգեշայ. Գեղը. Կողո — Կարայ. Կարայիս — լաղ կամ Մուկիի գեղը և Եկեղեցին. Կարգաբլուրի աւերակը. Զէյթայ գեղը. Աղապակի գեղը. Նորա Եկեղեցին և Գոմասաթ իրեղէնները. Սորբ Մարինոսի յապարհը. Աղաղեղը և Բայցօրիս պարահանրէս. Լէյլի և Մաղլուս ասպղեղը. Լէթի. Փոս գեղը:

«Մնաս բարեաւ Ամաղու, մնաս բարեաւ Նորավանդ, մնաս բարեաւ գամբարան՝ բարձր տոհմին Սրբելեան» Հառաչանքով արտասանեցի ես և երեսս դարձրի: Իջայ առուակի ձորը, անցայ Ամաղու գիւղը, Հասայ սուրբ Յովհաննէսի աղբիւրին: Աի՛ սառնորակ աղբիւր, բիւրեղանման աղբիւր, վերջին անգամ զովացրու Հոգիս, այլ ևս քեզ տեսնելու չեմ . . . : Այդ պատուական աղբիւրի ջուրը խմելով՝ ես իսկոյն թեքուեցի դէպի արևելք, ուր Խաչիկու, Ղուլուն օյնաղի և Գեալին — դայի լեռնագօտու Հիւսիսային լանջերը աստիճանաբար իջնում են դէպի Ամաղուի ձորը: Ահա՛ այդ լանջով, լեռնային նեղ ճանապարհով, խորթ ու փորթերի միջով գնում եմ դէպի արևելք, դէպի Կնիշիկ գիւղը: Հասայ այն ժայռի գլուխն, որ անմիջապէս նայում է Հարաւից Նորավանդի վերայ և ուր երևում են նախկին Տխարբ և այժմ՝ Հին Ամաղու անունով գեղի աւերակները:

Առանց կանգ առնելու շարունակեցի ճանապարհս և նեղ կածանով իջայ մի խոտաւետ ձոր — Փայտ Կարայ կամ Մահրասայ իւրդի: Աւանդուլթիւնը պնդում է որ Նորավանդի միաբանութիւնն այդ ձորում ունէր վանքապատկան գոմեր (փայայ — գոմ, դարա — ձոր) և վարդապետների Համար՝ ամարանոց. (մահրասայ — վարդապետ և իւրդի — ամարանոց, նստուածք:)

Փայադարայ ձորը՝ Նորավանքից ոչ հեռու, Կնիշիկի գետակի ափից՝ աստիճանաբար հիւսիսից հարաւ բարձրանում է մինչև Գեալին-ղայայ լեռնազագաթն և Խաչիկու գլուխը: Նորա միջից հոսում է սառնորակ աղբիւրներից կազմուած մի առուակ, իբրև օժանդակ ճիւղ Կնիշիկի գետակի:

Մինչև վերջին տարիները Փայադարան պատկանում էր պետական գանձարանին և համարւում էր Արփայեցոց ամարային արօտատեղին: Որպէս զի կարողանայ խլել Արփայեցիներից՝ Կնիշիկ գիւղի հասարակութիւնը ջանաց սեփականացնել նորան մուլքադարական իրաւամբ Չուացի Հասան Ալի սութանին, որին պատկանում է նոյնպէս և Կնիշիկը:

Փայադարից միւս բարձրութեան վերայ հասած՝ արդէն լեռան ստորոտում, բաժակած և հովտի մէջ՝ գետակի մօտ տեսնում էք սփռուած Կնիշիկ հայաբնակ գիւղն իւր շրջապատ ուռնիններով, առւոյտներով, հին ցրուած գերեզմաններով: Բնակիչներն երեսուն տուն 142 արականով և 123 իգականով, Գարալագեազի բնիկներից են, որոնք Ռուսաց տիրապետութիւնից յետոյ Խաչիկից, Արփայից եկել շէնացրել են հին աւերակները:

Կնիշիկ ժ. և ժ.Պ դարերում յայտնի էր և իբրև «Գինէշիկաձոր» յիշուում է Սմբատ իշխանի արձանագրութեան մէջ, Նորավանքի ժամատան արևմտեան դրան գօտու վերայ, լուսամտի ներքև: Գիւղի շուրջը սփռուած նաեւ գերեզմանատները կենդանի ապացոյց են երբեմն բազմամարդ լինելուն: Սակայն՝ բացի գերեզմաններից՝ ուրիշ աւերակների հետքեր չեն երևում: Գերեզմանաքարերի արձանագրութիւնները սկսւում են 1344 թուից մինչև 1691 թիւր: Նորանց վերայ երևում են քանդակաւոր նկարներ, գործրինակ՝ երկու ձիաւոր նիզակահարում են երկու օձանման վիշապների: Տապանաքարերն ունին խաչարձանի, ձիու և խոյի ձևեր:

Նորագոյն գերեզմանաքարերի մէջ կայ մինը, որ կրում է 1868 թուականից հետևեալ չափաբերականը.

«Այս է դամբարան,
 «Մարմնոյ բնակարան.
 «Խղճալի Յարութեան,
 «Ազգաւ Օհանեան:»

Գիւլը թէպէտ ջրառատ հովտի մէջ է, բայց գուրկ է ծառերից: Ժողովուրդը ուշ չի դարձնում այդ բանի վերայ, մի քանի տասնեակ ուռիներ հագիւ կան տնկած այս և այն տեղ, այն ինչ կարելի էր մըգաբեր ծառերի շարքեր տարածել ամբողջ ձորի մէջ: Ժողովուրդը զբաղուած է հողագործութեամբ, անասնապահութեամբ և մասամբ մեղուաբուծութեամբ: Կնիշիկի սպիտակ քաղցրահամ մեղրը գովելի է ամբողջ Դարալագեագում:

Երկու, երեք վերստ գիւղից դէպ հիւսիս, մի բարձր հարթավայր յանկարծուստ թեքում է արեւմտան երկայնաձիգ ձորակներով դէպի Արփաչայի հոսանքն և այդ տեղից բացում է սքանչելի տեսարան. ձեր աչքի առաջն են խոր ձորի մէջ հեռու Արփաչայը, Մալիշկայ, Քեշիշքեանդ, Օրթաքեանդ և այլ դրացի գիւղեր, այլ ևս հեռու՝ Սուրբ Խաչ վանքը, Դալիք թափայ, Ալագեագի ձորը, Թաքեադոնդուրանի գագաթն և այլն:

Մեր կանգնած տեղը, ճանապարհի վերայ, կայ քարից և փայտից շինած հասարակ մատուռ և որի «Դալի (խելագար) խաչ» կոչումն արգելք չէ տեղացի հայերին ուխտ անել նորան և մատաղ մորթել: Մատրան մէջ ցանուցիր թափուած են սևացած մրոտած ճրագներ, մոմի կտորներ, խնկի և ածուխի փշրանքներ և այլն:

Աւանդութիւն կայ որ դեռ Նազիր Շահի ժամանակ այստեղ կային ներկայ մատրան խաչքարերը և շինութեան հիմնապատերը: Ոմն Պահրատ անուն խելագար տաճիկ մի քանի անգամ կացնով զարկել է խաչքարին և ասել «Պահրադ գալի, խաչ գալի» որից և ծագել է Դալի խաչ անունը: Ապա 1853—55 թուին, Այար գիւղի Մկրտիչ քահանայ Մարտիրոսեանցը՝ տեսնելով որ մորեխն անխնայ ոչնչացնում է Դարալագեագի արտերը, ինքը, ծնկաչոգ, մօտակայ ենդիջայ գիւղից մէկ վերստ տարածութեամբ բարձրացել է մինչև Դալի խաչ և աղօթել է: Դորանից մորեխը դարձել է այլ կողմի վերայ և քահանան շինում է մատրան ներկայ շինութիւնը:

Դալի խաչից մի վերստաչափ ներքև, լեռան լոնջին կպած փոքրիկ հայաբնակ գիւղն ենդիջան է՝ 25 տնով, 140 արական և 113 իգական բնակիչներով: Ներկայ բնակիչները գաղթած են Պարսկաստանից, բայց գիւղն յայտնի էր հին ժամանակում: Օրբելեանի գիւղօ-

ընդ ցուցակի մէջ յիշած «Գնջին» գիւղը հաւանականաբար այժմեան Ենգիջան պէտք է լինի: Նորավանքի մասին գրած Բուբաք իշխանի արձանագրութեան մէջ, 1223 թուականին, նուիրած հողաբաժնի մի սահմանն որոշուած է Գնջին գիւղով և այն: Մերկ, ողորմելի Ենգիջան գուրկ է մինչև անգամ սովորական ուռի ծառերից:

Գիւղից փոքր ինչ ցած սկսուած է մի ծառագարդ ձոր Կողմ-բայ անունով, ուր կան ընկուզէնի ծառեր, որից և կոզ, կողլու (ընկոյզ) դարայ — ձոր կոչուամբ: Այդ տեղ կան և երեք — չորս կրախառն պաղ հանքային, բաւականաչափ առատ ջրեր, որից բնակիչներն օգտուում են բորոտութեան դէմ: Մենք չենք գնալ այդ ձորով գէպի մեզ վաղուց արդէն ծանօթ Այար գիւղն՝ Արփաչայի ափին, այլ յառաջ կերթանք արևելեան ուղղութեամբ:

Չորս—Հինգ վերստաչափ անցած իջնում ենք ձորը, անցնում ենք նորա փոքրիկ առուակն և բարձրանալով հանդիպակաց լեռան կուրծքի վերայ՝ կմտնենք հայկական աւերակների վերայ հաստատուած Կուրտ-կուլալ (գայի ախանջ) թրքաբնակ գիւղն 336 բնակիչներով: Արևելեան եզրում երկու քարէ մեծ աւազանների մէջ երկու խողովակով թափուած է քաղցրահամ աղբիւրի առատ ջուրը: Այդ տեղ գետնի մէջ կան երկարաշար խողովակներ: Ի՛նչ կասկած որ աղբիւրն իւր շինութիւններով մնացել է նախկին հայ բնակիչներից:

Գիւղամիջում կանգնած առանց առաստաղի փոքրիկ եկեղեցին կառուցած է կապտագոյն սրբատաշ քարից, որի հանքն արևելակողմի բարձր սարի վերայ է: Սեղանի կամարի վերայ ձգուող կիսով չափ փտած գերանը ցոյց է տալի թէ եկեղեցին հին չէ: Միայն հարաւային դրան արևմտեան կողմի սեան վերայ, արտաքուստ, ամենափոքր և անճոռնի տառերով գծած է «Թվ. ՌձՁև. (1185): Հիւսիսային խորանի դրան վերը՝ պատի մէջ հագուցած իսաչքարն ունի նոյնպէս անճոռնի տառերով գրած արձանագրութիւն, որից կարելի է կարգալ միայն թիւն ՌձԳ. (1103):

Սեղանի հիւսիսային սեան կարմիր քարի վերայ փորագրած է «Յիսուսի Քրիստոսի հրամանաւ մեր Մուկրուկոյ ջամահաթս կանգաց-

րինք Թուրք-մանուկ եկեղեցիս յիշատակ հոգոց մերոց:» Թիւ չկայ: Ուրեմն սոյն կցկտուր արձանագրութիւնները բացատրում են մեզ, որ Կուրտկուլաղը, 1654 թուականից առաջ և յետոյ եղել է Հայաբնակ, կոչուել է Մուկրիկ, որի հասարակութիւնը կամ ըստ արձանագրութեան ջամաՀաթը՝ շինել է փոքրիկ եկեղեցին: Չնայելով որ ինձ ճանաչում էին այդ գիւղում, այնուամենայնիւ իմ երևիլը ժողովեց շուրջս հետաքրքիր բազմութիւն: Եկեղեցու հարաւային փոքրիկ քանդուած լցուած դռնով երբ կուզէկուզ մտայ ներս, այդ միջոցին գիւղի տանուտէր թուրքը հանդարտութեամբ խոտ էր գարսում եկեղեցու մէջ իբրև ձմերային պաշար . . . :

Տեղական հայերն այժմ ևս գործ են ածում երբեմն Մուկրիկ, երբեմն Կուրտկուլաղ: Վերջին կոչումը ծագում է, ասում են, գիւղի գլխին բարձրացող սրածայր բլուրի մի գոյգ ցից քարածայուերից, ականջների նմանութեամբ:

Կուրտկուլաղից հարաւ և նրանից ոչ հեռի, բլուրի արևմտեան լանջում, երևում է ահա բաւականին ընդարձակ գիւղատեղի, իւր տների քարէ աւերակներով: Հիւսիսակողմում կրաշաղախ, կապոյտ քարէ, քանդուած եկեղեցին ունի 18 քայլ երկարութիւն և 10 քայլ լայնութիւն: Ունի նոյնպէս երկու աւանդատուն, մի աւազան հիւսիսային պատում, չորս սիւն քառանկիւնի ձևով և դորանց կապող դեռ ևս ամբողջ, կամարներով: Եկեղեցու և բեմի առաստաղն արդէն խոնարհուած են: Պատերի մէջ անկանոն, աջ և ձախ դրած են խաչքարեր: Միակ հարաւային դուռն այնքան է ծածկուած՝ որ մտնողին կուացնում է: Արձանագրութիւն չկայ, միայն աւազանի վերևը խաչքարի վերայ գրած է խաչս յիշատակ է Խարոնին թվ. 11ձՁԹ (1189): Սոյն թուականն երևում է և եկեղեցու շուրջը ցրուած տապանաքարերից մինի վերայ:

Յիշեալ հայկական թուականը ցոյց է տալի որ 1740 թուին շինած է այդ եկեղեցին և հետևաբար կար այդ տեղ հայ բնակութիւն, որի աւերումն ոչ ոք բնիկներից չէ յիշում: Գարալագեագի բնիկ հայերը — Կնիշիկ, Խաչիկ, Աւփայ և այլն — այս աւերակ գիւղն անուանում են «Վարդաբլուր»: Նոքա պատմում են իբրև աւանդութիւն, թէ եզան արջաուր Մուկրիկից փախել է և բարձ-

րացել է Վարդաբլուրի եկեղեցու սեղանը: Տէրը որոնելով գտել է նորան և բարկացած արտասանել է «Ծուկրիկ լծից փախչում ես՝ Վարդաբլուր պատարագ անում»:

Վարդաբլուրից ճանապարհը տանում է աջ՝ դեպի Կորադիզ գիւղը և ձախ՝ դեպի Զէյթայ: Ես ընտրում եմ վերջինս և յառաջ գնալով՝ նայում եմ ծաղկածուալ բարձրութիւնից շուրջս, ուր տեսնում եմ Արփաշայի ոլոր մոլոր աւազանը և նոյն հրաշալի տեղերն, որոնց տեսանք Իսլի խաչից: Կուրբանքեասլան թրքաբնակ գիւղում կանգ չառնելով, 3—4 վերստաչափ ուղի կտրած, ես արդէն հանգստանում եմ մի աղքատ, թշուառ և գողերով լիք գիւղում: Այդ Զէյթան է, հայկական աւերակների վերայ գետեղուած:

Ելած է բլրակի վերայ մի եկեղեցի, որի քարերը գործադրուել են թուրք բնակիչների մասնաւոր շինութիւնների վերայ և ուրեմն անհետացել է նորա տեղը: Բայց դիւրի շուրջը կան չորս գերեզմանատներ, որոնց միայն մի քանի տապանաքարերը ունին գրութիւն: «Ճապանս կանգնեց թվ. ՌՃԿԻ (1162) Տիրգալի խանին»: Թվ. ՌՃԿԻ (1162) Տէր Օվանէսի եղբոր: «Տիւանի որդի Աւագին թվ. ՌՃԽԻ (1142): Սորա վերայ ձեւացրած է հացկերոյթի պատկեր: Ամենահին արձանագրութիւնը վերաբերում է 1122 թուին:

Ուրեմն 1673—1713 թուից առաջ և յետոյ հայ ժողովուրդն այդ տեղ բնակուել է և յաւիտեան անհետացել: Զէյթան շատ հին յիշատակարաններ չունի, բայց տեղիք է տալի կարծել, որ նա Օրբելեանի գիւղօրէից ցուցակի Զեդեայ գիւղն է:

Զէյթայից արևելք մի քանի մացառոտ ձորերից այն կողմն՝ ահա մեր առաջ դուրս կգայ Ագադէք կամ Ազատակ հայոց գիւղն իւր շրջապատ մրգատու պարտիզներով և սառնորակ աղբիւրներով: Իլիւդացիք գաղթել են Պարսկաստանից 1827—28 թուին և այժմ կազմում են 51 տուն 307 արականով և 252 իգականով: Իլրբը հարթավայր, դեմը հիւսիսից արևելք բաց, գեղեցիկ տեսարան, Եագիւրդի և Իստիսուի բարձրաբերձ լեռանց կանաչագեղ և անտառածածկ ձորակները և կարկաչահոս առուակները: Մի այլ լեռնային երկայնաձիգ բարձրութիւն հարաւից ստուեր և զով է արձա-

կում գիւղի վերայ և բաժանում է Կարալագեազը Նախիջևանի գաւառից: Սոյն բարձրութիւնից ջրերը հոսում են դէպի Հիւսիս՝ Արփաշայի աւազանը և դէպի հարաւ արևելք—Շահբուզի (Շահապօնս, և Ջահրի (ձահուկ) աւազանով դէպի Նախիջևան:

Թէ որքան հին է Ագատակն, այդ չէ երևում ոչ մի յիշատակարանից: Արևմտակողմի գերեզմանատան քարերն անգամ չունին արձանագրութիւն: Գիւլյական հասարակ եկեղեցին նորագած է հին պատերի վերայ: Իրան վերը, արտաքուստ, ամբողջ մնացել է հետեւեալ հին արձանագրութիւնը: «Վամաւն Աստուծոյ մէք Ագատակայ ժողովուրդս շինեցաք զեկեղեցիս ի հայրապետութեան Տեառն Յակոբայ:» Թուական չկայ, բայց հաւանական է, որ յիշեալ հայրապետն լինի Յակոբ Զուղայեցին և ուրեմն եկեղեցին շինուած լինի 1655 . 1680 թուին, ըստ որում եկեղեցու վերանորոգութեան միջոցին, 1869 թուականին, նորա պարսպատի փակ պատուհանի մէջ գտնուել են պղնձեայ իրեղէններ, նուիրած նոյն եկեղեցուն, այն է երկու քշոց միանման հետեւեալ արձանագրութեամբ. «Յիշատակ է Ագայպակի որդի Կիրակոսին ի դուռն Սուրբ Ստեփաննոս. թվ. ՌՃԻԶ (1126): Մի քշոցի և ծնծղայի վերայ՝ «Յիշատակ է Շաղօի որդի Մարտիրոսին, Ագատակ ի սուրբ Ստեփաննոս. թվ. ՌՃԾԱ (1151). իսկ բուրվառի վերայ՝ «Յիշատակ է բուրվառս Շօռութցի Կրկբորի որդի Պետրոսին, որ ետ ի դուռն Ագատակու սուրբ Ստեփաննոս Նախավկային:» Վերոբերեալ թուականները մտաւորապէս վերաբերում են Յակոբ կաթողիկոս Զուղայեցու ժամանակին: Ներկայ Ագատակցիք եկեղեցին, նախ անուանելով սուրբ Սարգիս, իրեղէնները գտնելուց յետոյ յատկացրել են նորա իսկական անունը — սուրբ Ստեփաննոս: Մի վերստաշափ հեռու, գիւղից դէպի հարաւ, ձորամիջի առուակի մօտ, սակաւաթիւ աւերակների և փշատի ծառերի մէջ կայ կանգուն փորրապիր մատուռ, մի քանի խաչքարերով: Ագատակցիք նախ անուանել են սուրբ Յովհաննէս, բայց յետոյ Ս. Յակոբ: ըստորում գտել են մի արձանագրութիւն . Յանունն էս ալքատ Մելքշահս շինեցի սուրբ Ակոբ . . . նա հանգիստ Շաքարբէգին թվ. ՌՂԲ (1072): Այդ ձորի առաւել հին յիշատակարանն է մի խաչքար կանգուն, ՉԿԲ (772) թուականով:

Առուակից աջ, բարձր բլուրի վերայ երևում է մի այլ աւերակ մատուռ Սուրբ Մարինոս անուամբ, աւերակ ցանկապատի մէջ: Սորա մէջ Ազատակցիք, սուրբ Մարինոսին ապաւինած՝ երկու ամիս պատսպարուել են Շիրին սուլթանի յարձակմունքներից:

Ազատակի ժողովուրդը լաւ յատկութեանց տէր և բարի մարդիկ են, ուրախ տրամադրութեամբ: Նոցա Հիւրասիրութիւնը յայտնի է: 1879 թուականի զատկի ուրախ օրերն էին, երբ մի անգամ ես Հանդիպեցայ այդ գիւղում, ուր շատերն ինձ կճանաչէին և շատերին ես կճանաչէի: Արանց և կանանց բազմութիւնը խմբուած արեւմտեան գերեզմանատան շուրջը, տերեւալից ծիրանների տակ, ծաղկախառն կանաչ դաշտի վերայ ուրախութիւն էին անում, խօսում, զբօսնում, գուարճանում էին և աշուղներին լսում: Ուրախութեամբ ընդունեցի նրանց հրաւերը և միացայ այն խմբին, ուր մասնակցում էին և նուագածու աշուղները:

Աշուղները սարքեցին սագերը, օրհնութիւն հայեցցին մօտս նրստած ծխատէր քահանայ Տէր Սիմէօն Կոստանեանից, նայեցին իրար վերայ և սկսեցին հետեւեալ հայերէն երգը:

«Ղօշմա»

Էս օր ես մէ գեօզալ տեսամ,
 Ռանգը լալա ի, լալա ի:
 Սիրիբ եմ, չեմ կարայ թարգել,
 Էդ ինչ դարդ ու սար բալա ի:
 Շապիկդ բերեմ Շիրվանայ,
 Մէջկապդ բերեմ Քիրմանայ-
 Քեզի բերեմ Սպահանայ
 Սայադ (դերիա) դարահի, դարահի: (մետաքս)
 Արքաւութնի խոտն է քո ծոց,
 Սիրտս զարկեց կրակիդ բոց,
 Էթամ բերեմ ոսկի երիսնոց
 Չարկես գօլայի, գօլայի (շուրջ):

Երեսիդ խալերն է խատ խատ.

Ես քէ ղոհում (բարեկամ) տիւ ինձի ետդ (օտար).

Խոյլու Քեաքիւն եմ բէյմուրադ,

Սիրոս եարայ ի, եարայ ի:

Ամեն կողմից ծափահարեցին և գոհութեան ցոյցեր արին աշուղներին, որոնք միքանի ըոպէից յետոյ սկսեցին մի այլ երգ նոյն հեղինակի:

Ղօշմա

Քրիստոնեայ էք, եկէք, անկաճ արեցէք,

Տեսէք, աշխարհումն քանի՞ բան մնաց.

Հայրապետներն եկան, օրէնք կապեցին,

Նրանցից եկեղեցին մեզ նշան մնաց:

Զօրաւոր ես, Տէր Աստուած, տիւն զօրաւոր,

Քալացւոր ես էս աշխարհս եկարւոր,

Սուրբ Օհանէս բռնիր քեզի կնքաւոր,

Կնունքն, աւագան մեզ նշան մնաց:

Ինչ տուաւ իմ տէրը, ձէնն էլ լսաւ.

Փիրէն քեամալ էլաւ, մուրազին հասաւ,

Երանի էն աչքին, Քրիստոս տեսաւ,

Քաշած է պատկերքն անուան մնաց:

Մեռնիմ հայրապետների սուրբ կարգին,

Մեղքիսէթ քահանայի օրհնած նշխարքին,

Սկոյ մէջ զրած վեր Պատարագին,

Միան, արիւն մեզի դին իման մնաց:

Խոյլի Քեաքիւլ, մի դատիր աշխարհիս մեղքը,

Շատ թագաւորի աչքը մնաց իւր թախտը,

Քրիստոս երեք մարդ թողեց զժողբը,

Յուդէն էք, Կայէնը, Անակ հա զնդան մնաց:

Աորանից յետոյ փոքր ընդմիջումն, կենացների առաջարկութիւն, սրախօսութիւն, զուարճաբանութիւն, որից յետոյ աշուղներից մինը

նկատեց թէ ինչի՞ միայն Հանգուցեալ Հեղինակների երգերն երգեն: Չէ՞ որ կան և կենդանի բանաստեղծներ, որոնց երգերը նոյնչափ լաւ են, որչափ Հանգուցեալ Փետքիւլի երգերը: Ապա ցոյց տուեց խմբի մէջ մի ազատակցու վերայ, որ էր Աբրահամ Պապանովեան, իւր երգերի մէջ «Փռանգ օղլի» մականունով: Ամենի ուշադրութիւնը դարձաւ Աբրահամի վերայ և աշուղներին խնդրեցին երգել:

«Գիւլպալլամայ»:

Ճանապարհով էկար տիւ Հազար բարի,
կուրծքդ նարինջ թազայ նուբարի,
կանչեմ մտիկ չէս տայ, քո սիրտդ քար ի·
մէշքդ բարակ տիւ աննման նազանի:

Ոտքերդ հաքիր իս սաղրի սօլերը·
ինչպէս բաղի մէջը բացուի գիւլերը,
քիւլլու աստուորի (աշխարհ) չեմ տայ խալերը,
մէշքը բարակ տիւ աննման նազանի:

Փառքն Հարկաւոր է Աստու գիւլանին,
էն սրին գիլֆերդ թո՞ տանի քամին,
տիւ մէ պայծառ կրակ՝ ընկեար իմ ջանին,
մէշքը բարակ տիւ աննման նազանի:

Փռանգ օղլին ի՞ նչպէս սէրիդ դիմանայ,
տիւ իմ սիրտս Հաւատս իմանայ,
տիւ ես դարդի դարման, ոչ թէ Լոզման ա,
մէշքը բարակ տիւ աննման նազանի:

Աշուղները շունչ առան, իսկ լսողները բացականչեցին «կեցցէ, կեցցէ Աբրահամը, կեցցէ Փռանգ օղլին», թէպէտ շարունակեցին երգել նոյն Հեղինակի մի քանի երգերը, բայց նորա բանաստեղծական ուղղութիւնը ցոյց տալու համար բաւական է և վերոգրեալ մի երգը: Աշուղներից յետոյ սկսուեց պարերգը: Լայնատարած կանաչ գաշտի վերայ տղամարդիկ և կանայք, միմեանց ձեռք բռնած, բոլորակ լայն շրջան կազմեցին: Կարմիր թաշկինակը մի ձեռքում օդի

մէջ ծածանելով, խմբապետը անցաւ պարաշղթայի գլուխը: Նորա երկայն հասակը, գլխի, ոտերի և ձեռքերի շարժումը, ճարպիկութիւնը, բարձր և ներդաշնակ երգեցողութիւնը տալիս էին նորան հեղինակութիւն պարագլուխ լինելու:

Ահա նա շարժեց ոտերը, ծածանեց թաշկինակը, սկսեց *Բէշարէ* եղանակով երգը և տարաւ իւր յետևից ամբողջ շլթան ծանր և համաչափ քայլերով:

«Բաղըմը գիւլ, բաղըմը գիւլ, բաղըմը,
բաղըմը գիւլ, բաղըմը գիւլ, բաղըմը,
«ման հանդամ ալըմ եարն զօլբաղընը (ապարանջան)».

Աոյն տողերը նոյն ձայնով և եղանակով, պարագլխից յետոյ, կրկնեցին շլթայի տղամարդիկ: Ապա պարագլուխը շարունակեց.

«Ռու ման կգաս վերի վերի, բաղըմը,
«կրակն ընկնի քո սիրտ էրի՝ բաղըմը,
«քո մօրն առն մինն էլ բերի բաղըմը»,
«ման հանդամ ալըմ եարն զօլբաղընը»:

Այս տան վերջին խօսքերը դեռ հաւարտած՝ պարողներն իսկոյն խլեցին պարագլխից և երգեցին «բաղըմը գիւլ և այլն»: Այսպէս կրկնում էին նոքա պարագլխի սասած իւրաքանչիւր տանից յետոյ:

«Պալերներին կլի հաշան՝ բաղըմը,
«սիրտս փորումն փարիշան, բաղըմը,
«եալլուզ ոսկին զրկեմ նշան՝ բաղըմը,
«ման հանդամ ալըմ եարն զօլբաղընի:
«Մարգերումը վարենք հինայ, բաղըմը,
«իմ բոյը քո բոյը մին ա՝ բաղըմը,
«մարդ ուղարկենք վանքը շինայ՝ բաղըմը,
«ման հանդան և այլն»:

Ամենայն լրջութեամբ շարունակելով, սոյն երգը, յանկարծ պարագլուխը յորդոր եղանակով սկսեց «Փորոզէ» երգը: Մասնակցող կանայք կէս ամօթով, կէս ծիծաղելով դուրս փախան պարաշղթայից, թողնելով ասպարէզը միայն տղամարդոց: Աերջինները և պարում էին և ծիծաղում և երգում հետևեալը:

«Փորոզէն տարան կալերով,
 «եար եաման, խորոտ Փորոզէ,
 «Փորոզէի ձիանք նալերով,
 «եար եաման, խորոտ Փորոզէ,
 «Փորոզի պագն է խամերով (Համեղ)
 «եար եաման և այլն.
 «Փորոզէն նստէ նախշ կանէ
 «խաւէրն կիկեան քէշ կանէ.
 «սև կապած մերիկ վրճ կանէ և այլն:

Սոյն երգերից յետոյ վերջացաւ պարահանդէսը: ժողովուրդը սփռուեց ամբողջ դաշտի վերայ և դանդաղաքայլ վերադառնում էին գիւղ:

Քանիցս անգամ հիւրասիրուած եմ ես այդ պատուական գիւղում, պատուական ժողովրդի մէջ, քանի՞ երկար երեկոներ ժողովրդով շրջապատուած նստել եմ ծխատէր Սիմէօն քահանայ Կոստանեանի կամ գիւղական տանուտէրի տանը. քանիցս անգամ լսած եմ այդ հաւաքուածների շրթունքներից զանազան ազգային սովորութիւններ, երգեր, նախապաշարմունքներ, հանելուկներ, հեքեաթներ և այլն և այլ, որոնք մի օր միւս տեղերի հայ ժողովրդական սովորութիւնների հետ գուցէ դուրս գան տպազրութեամբ:

Քանիցս անգամ ինքս ակահայ մասնակցել եմ նորանց նախապաշարմանց, որպէս զի առաւել մօտ ծանօթանայի նորանց ներքին կեանքի հետ:

—Գիտէք, պարոններ, ասաց միանգամ հանդիսականներից մինը, երբ նստած էինք տանուտէրի հիւրասենեակում, այս երեկոյ Համբարձման երեկոն է, եկէք չքնենք՝ որ տեսնենք թէ գիշերս ի՞նչպէս է լէյլին ու Մաջլումը իրար կզիպչեն:

—Լաւ, չքնենք, կրկնեցին բոլորեքեան, քանի՞ անգամ իւրաքանչիւրը մեզանից կամեցել է այդ գիշերը չքնել, բայց չէ պատահել: Եկէք խօսք կապենք ամենքս էլ չքնել: Նս ևս նորանց հետ պայմանաւորուեցինք չքնել, որպէս զի տեսնենք լէյլի և Մաջլումի իրար զիպչելը:

Ինձ, որ ամենից յետամնաց էի այդ բանում, բացատրեցին որ Լէյլին՝ լուսաբեր աստղն է, իսկ Մաջլումը՝ գիշերավար աստղը: Այդ երկու աստղերը իւրաքանչիւր տարի Համբարձման երեկոյին իրար դիպչում են թէ՛ չէ, իսկոյն՝ վայրկենաբար՝ լոյս են արձակում, որով լուսաւորում են սարեր, ձորեր, ժայռեր, գետեր, անտառներ, դաշտեր և այլ առարկաներ, որոնք, աստղերին հետևելով, նոյնպէս դիպչում են իրար: Որովհետև Լէյլի և Մաջլումի իրար դիպչելը լինում է վայրկենական կերպով և հետևաբար դժուար նշմարելի, ուստի նորանց դիպչելու բուպէին տեսնողը մի որ և առարկայի ասի «ոսկի կամ արծաթ դարձիր», առարկան իսկոյն ոսկի կամ արծաթ կդառնայ:

Ահա մի խումբ երիտասարդ տղայք, աղջկունք և հարսներ գնացին դաշտ ի-բէանց կեանքը չափելու: Իւրաքանչիւրը նոցանից ընտրեց մի ծաղիկ, սպիտակ ծաղիկ, որի ցողունը գետնի երեսից մի թիզ բարձրութեան վերայ թելով կապեց: Առաւօտն իւրաքանչիւրը գտնելով իւր ընտրած ծաղիկը, կվերաստուգէ թէ չափած և կապած ծաղկացողունը մի թիզից աւելացել է թէ պակասել և դորանից կորոշուի թէ կապողի կեանքը կերկարի թէ կը կարճանայ:

Հասաւ գիշերը, վճիտ երկինքը իւր փայլուն աստղերով նայում է մեզ վերայ և զարմանում է մեր խելքի վերայ: Իսկ մենք խմբուած մի տան տանիքի վերայ, գննում ենք աստղերը:

Նոցանից որն է Լէյլին և որն Մաջլումը՝ մինչև այժմ չգիտեմ:

Գիւղի կանայք նոյնպէս անքուն հսկում էին՝ ոմանք Լէյլի և Մաջլումի դիպչելուց ոսկի ստանալու, բայց առաւել մեծ մասը՝ իւրեանց բարիքը պահպանելու, ըստորում լուր տարածուեց որ այդ երեկոյին լէ՛ջ է պտտուելու գիւղի մէջ: Գիւղի կանանց համար մի կորստաբեր չարիք է այդ լէբջին, որ նոյն գիւղի կանանցից է: Աթէ մի կին ցանկանում է որ այդ տարին իւր կովերը առատ կաթ տան, իւր իւրը, պանիրը առատ լինեն, նա այդ գիշերը գառնում է լէբջի և լէբ է անում ուրիշների կովը, իւրը պանիրը և այլն: Գորա համար լէբջի կինը մերկանում է, կապում է կաշիէ գոգնոցը, որը ձեռքով շփելով, մեծ զգուշութեամբ գալտագողի պտտում է սորա և նորա բակերը, արտասանում է մի աղօթք և ամեն մի բակից, անից

աշխատում է վերցնել փայտ, քար, կամ այլ իրեղէն, որով և թրշուառացնում է այդ տները, լէբ անելով, այն է պակասեցնելով այդ տարի նրանց կաթը, պանիրը, իւլը և այլն:

Շուշան, շուա արս, լէբչուն կապիր, որ մեր տնից չկարողանայ բան տանել, պատուիրեց իւր ամուսնուն մօտս եզոզներից մինը:

Շուշանը հարկաւոր միջոցները իսկոյն գործադրեց, լէբչուն կապեց: Տան շէմում, դրան տակ նա երկու բւեռ ցցեց գետնի մէջ, գլուխները կապեց մազէ թելով և տակը կորեկ ցանեց. ապա վագեց տան երդիկը և երդիկի շուրջը բոլորակ գիծ քաշեց: Այս կարևոր և անհրաժեշտ միջոցները գործ դնելուց յետոյ սկսեցին իստա հսկողութիւն կարգել որ, եթէ կյաջողի, լէբչուն բռնեն և պատժեն:

Իսկ մենք, Աէյլին և Մաջլումին գննողներս, հաւաքեցինք մեր շուրջը մեծ մեծ քարեր, փայտի կոճղներ, ձիու թամբ, եզան չուլ, կացին, խոփ և այլ առարկաներ և գործիքներ և, ապուշ դարձած, անդադար նայում էինք դէպի երկիւնքը: Նայում էինք որպէս զի ձեռքից չթողնենք աստղերի ընդհարումն և ոսկի դարձնենք մեր շուրջը ժողոված քարերը, փայտերը և այլ իրեղէնները . . . :

Անընդհատ նայելուց մեր աչքերը շագուեցին, երկնքի աստղերը իստոնուեցին իրար և թէպէտ դժուար էր որոշել թէ ո՞ւր է Աէյլին և ուր Մաջլումը, բայց աստղագէտ շրջապատողներս անդադար կրկնում էին միմիանց թէ ահա Աէյլին երևում է, ահա Մաջլումը մօտենում է, ահա քիչ է մնացել զարկուեն, ահա լոյսը փայլեց, մի խօսքով այնպիսի երևոյթներ, որ միայն երևակայութեան մէջ կարելի էր տեսնել:

Երբ գիշերը եղել էր կէս, երբ ամբողջ երկնային կամարն ամփոփել էինք մեր երկու փոքրիկ աչքերի մէջ, երբ ուշադրութեամբ վերացած՝ շլացել էինք Աէյլիի և Մաջլումի լոյսից, երբ մտքով երկիւնքն էինք բարձրացել, իսկ ձեռքերով ամուր բռնել քարերը որ ասէինք ոսկի դարձէք, այդ գարհուրելի և մտատանջ ըոպէին յանկարծ լսուեց Շուշանի ազդուորմ ձայնը «լէբչին եկաւ, լէբչին եկաւ»:

Մի ակնթարթում ընկերներս մոռացան և Մաջլումին և Աէյլիին և ով ինչ կարողացաւ՝ բռնեց ոսկիացու իրեղէններից և վագեց դէ-

պի լեբչին: Մութը գիշեր, շների հաջոց, մարդկանց այգմուկ, կանանց ճիչ խառնուեցին իրար և գարկ էր որ իջնում էր խեղճ լեբչու գլխին: Այնքան գրահաւորուել էին թշուառ լեբչու դէմ, որ չէին նայում անգամ թէ ում կինն է, ծեր է, երիտասարդ է և այլն: Եւ ի նչպէս կարելի էր չըրահաւորուել՝ երբ անգութ լեբչին եկել էր որ խեղճ մարդկանց կաթը, իւղը, պանիրը և այլ բաները լեբ անէ, սակաւցնէ և իւրեանը շատացնէ:

— Տեսէք, տեսէք, քուրճ է գոյել վրան, ոչխարի գտակ է ծածկել գլխին, մագերն էլ խուզել է որ չճանաչեն, ասում և գարկում էին լեբչի կնոջը: Իսկ խեղճ կինը միայն հատաչանքի ձայն է հանում հարուածների տակ:

— Առաքին գաւազան ունի, տեսնես ում գոնիցն է վերցրել և այն տունը լեբ արել, ասում էին միւսները:

Հետաքրքութիւնից շարժուած Մուշանը ճրագ բերեց, լոյս տուվեց, և ամենքն ևս տեսան որ ի նչ, ոչ լեբչի, ոչ այս և ոչ այն, այլ գրացու հովիւ ծերունի քիւրդ Հասօն է, որ գիշերը հիւանդութիւնից ստիպուած, մուշտակն ուսին, գաւազանի օգնութեամբ դուրս էր եկել Մուշանենց բակի սահմանը . . .

Ի նչ օգուտ, թէ և ճանաչելիս, զգջացին, ոմանք ծիծաղեցին, ոմանք ցաւակցեցին, ոմանք ևս նախատեցին նորա անզգոյշ դուրս գալու համար, բայց բանը բանից անցել էր . . . թշուառական Հասօն իւր միամտութեամբ միանգամից լուծեց երեւակայական լեբչու և երկու աստղերի բնդհարման հարցերը:—

Թողնելով Ագատէկ գիւղը, մենք գիմենք դէպի Փոս գիւղը, որ դրած է 5—6 վերստ հեռու արևելեան կողմում: Իրբքը լաւ շրջակայքը գեցեցկավայել, ջուրը մաքուր, 50 տուն բնակիչներով, 220 արական և 190 իգական, ամբողջովին գաղթած են Պարսկաստանից՝ Սալմաստի Սաւրի գիւղից, որ նշանաւոր է իւր վաղեմի պատմական իսաչագոյութեամբ: Փոռեցիք ժառանգաբար շարունակել են և յաջողութեամբ շարունակում են իւրեանց նախնեաց, Սաւրի գիւղացւոց, վատ սովորութիւնը, և ճարպիկութեամբ, տոկոսնութեամբ և հմտութեամբ մեծ և փոքր պարապում են իւրեանց տգիւլ արհեստով—իսաչագոյութեամբ Ռուսաստանի գա-

նագան անկիւններում :

Յաճախ է պատահում որ տղամարդիկերանց երկար բացակայութեամբ՝ գիւղի հասարակական պետքը լրացնում են կանայք, որոնք մինչև անգամ հերթական գիշերապահ են լինում գիւղի մէջ :

Խաչագողութեան վատթար ճանապարհով Փոռեցիք ձեռք են բերել բաւականաչափ հարստութիւն : Մի գուցէ այդ սովորութեան և հարստութեան հետեանքն է, որ Փոռում սովորական երևոյթներ են կոխներ, խռովութիւններ, զրկանքներ, գողութիւններ, մարդասպանութիւններ, ապօրինի կանայք պահել, դատաստաններում շարունակ թափառել և այլն :

Եթէ Օրբելեան պատմագրի ցուցակի մէջ յիշուած Բոր գիւղն այժմեան Փոռն է, և եթէ Բոր նշանակում է բոր, բորոտութիւն, քոսոտութիւն, այն ժամանակ հասկանալի կլինի թէ Սաւրի գիւղացիք որպիսի յաջող ընարութիւն են արել գիւղատեղի վերաբերութեամբ :

Փոռը մինչև անգամ հնութեան կոչումից կատարեալ գուրկ է : Միայն երկու քար գիւղի գերեզմանատնում դրած կարող են հրնութեան նշոյլ ունենալ, նոքա ևս բերուած են Փոռ այլ գիւղերից : Մինը բերուած է Կայալուի գէմի սարից «Թվ. 2ԻԲ.» (722) փորագրութեամբ, միւսը՝ Սէյլանից «Նս Սարգիս բարեխաւս հաւր» Թվ. 2ԾԶ (756) :

Փոռեցիք բաւականաչափ նահատակուած են և դպրոցական գործի ասպարիզի վերայ : Սորա հետաքրքիր պատմութիւնը կարելի է գտնել «Սրձագանգ» շաբաթաթերթի մէջ *) : Թողնենք այս գիւղը և գնանք Փաշալու :

(Շարունակելի)

ՔԱԶԵՐՈՒՆԻ.

*) «Բաջբերունի, Գպրոցակ. գործը Շարուր — Գար. դաւառում», «Սրձագանգ» 1887 թ.

ԱԶԳԱՅԻՆ

ՆՈՒՒՐԱՏՈՒՈՒԹՒՒՆՔ

Յողագոս վերանորոգութեան Մայր Աթոռոյ եռ յանուն Արքայոյ Մեռանի:

Բարեպաշտօն Խաչատուրն Կիրիեանց ի Բաղու քաղաքէ ի 1883 ամէ հե-
տէ վճարէ յօգուտ Ճեմարանի Մայր Աթոռոյ զտասնական ըուրլիս և
խոստանայ այսուհետև ևս անընդհատ վճարել:

սղլլուրգք թալին գեղջ.

	Բ.	Կ.
Երեսաէր Եղնիկ քահանայ Գիլանեանց		3
Բարսեղ Տէր Թաղէսոսեանց		1
Թորոս Գէորգեան		1
Խաչատուր քահանայ Տէր Թաղէսոսեան		1
Աւեքոսան Մանուկեան		50
Կնգոյ Փոթէեան		50
Կիրակոս Աբրահամեան		50
Աւետիս Պետրոսեան		25
Աստուածատուր Ապտալեան		50

Գեօղլու գեղջ.

Մանուկ Պետրոսեան		50
Մանուկ մահտեոի Հայրապետեան		1
Յունան Աբրահամեան		1
Մուրադ Օհանեան		50
Եղիազար Գէորգեան		50

Գրմզլու գեղջ.

Մարտիրոս Աիմօնեան		1
Նահապետ Գաբրիէլեան		50
Մնոյ Գէորգեան		1
Խանում վարդանեան		80
Գրիգոր Յարուկիւնեան		20
Զարար Կարապետեան		20
Ասեփան Գալուստեան		20
Վերին Ղարաքիլիսեցի Ռաֆայէլ Նազարէթեան		1
Շիրվանջեցի Մարտիրոս Օհանեան		1
Թալինցի Աւետիս Գէորգեան Աղիկեանց		1
Թալինցի Արշակ Նազարէթեան		1
Նալբանդ Գէորգ Ազապապեան		1
Թալինցի Մկրտիչ Աւետիսեան		1
Թալինցի Մանուկ Կարապետեան		20

Թալինցի Պօղոս Բարսեղեան	.	.	50
Վաղարշ Վարժապետեանց	.	.	50
Ազիաման գեղջ.			
Պապան Լյումեան	.	.	1
Խաչատուր քահ. Մանուկեան	.	.	50
Մնայ Պօղոսեան	.	.	60
Գաբրիէլ Աւետիսեան	.	.	60
Ա.յ.վազ Սիմօնեան	.	.	50
Խաչատուր մահա. Մասկեան	.	.	
Տաշլալայ գեղջ.			
Վարդիկ Գալոյեան	.	.	60
Փիլիսոպոս Սարգսեան	.	.	1
Մատարայ գեղջ.			
Սերեկան Տէր Մարգարեան	.	.	1
Գանիէլ Գաւիթ Բողոյ	.	.	1
Եսայի Սիրեկանեան	.	.	1
Յարութիւն Էջօեանց	.	.	3
Ալեքսան Մխիթարեան	.	.	1
Համբարձում Մարգարեան	.	.	3
Մուշեղ Գրիգորեան	.	.	1
Թալին գեղջ.			
Մարտիրոս Մանուկեան	.	.	50
Սարգիս Աբրահամեան	.	.	25
Կիրակոս Կիրակիչեան	.	.	25
Սահակ Կարապետեան	.	.	50
Խաչատուր Մարտիրոսեան	.	.	25
Կնեազ Յովհաննէսեան	.	.	25
Եղիազար Վարդեան	.	.	50
Իսրայէլ Տէր Յարութիւնեան	.	.	50
Յարութիւն Գալոյեան	.	.	50
Սահակ Յակովբեան	.	.	25
Բարէ Բաղդասարեան	.	.	25
Պետրոս Բարձեան	.	.	25
Սարգիս Տէր Գէորգեան	.	.	25
Գէորգ Մովսէսեան	.	.	1
Հասարակութիւն Մատարայ գեղջ	.	.	15 20
Հասարակ. Տաշլալայ գեղջ	.	.	28 40
Հասարակ. Ազիաման գեղջ	.	.	6 60
Հասարակ. Մաղարջուղ գեղջ	.	.	16
Հասարակ. Ղրմիլու գեղջ	.	.	26
Հասարակ. Գեօղլու գեղջ	.	.	22
Հասարակ. Գաղալու գեղջ	.	.	20
Հասարակ. Թալին գեղջ	.	.	30 60

ՀԻՆ ՆԱԽԻՋԵՒԱՆ

Փօռ	8
Սորադիլ	23 70
Գամիրզնդան	11 15
Նորսայ գործակալի ձեռամբ	33
Փաշալու	5
Մարտիրոս	13
Սերս	13
Սուլթան բեգ	14
Թու մրուլ	11 25
Եղատակ	8
Հերհեր	4
Ղուչի բիլակ	4
Զնաբերգ	19
Եպրակունիս	29 15
Փորագաշտ	9
Երազին	4
Գեաղ	4
Գու մրի	17
Ղուլիբեգ զիլայ	6 50
Նախիջևան	25 25
Ջահուկ	19 30
Մալիշկայ	10
Ենգիջայ	5
Խաչիկ	14
Վերին Եգուլիս	33 50
Օրդուբաս	2 20
Գիր	8
Վերին Եղայ	6
Ղարախան բեկլու	10

Պ Ա Շ Տ Օ Ն Ա Կ Ա Ն Գ

ՔԱՂՈՒԱԾԻ ԿՈՆԴԱԿԱՅ ՎԵՀԱՓԱՌ ՀԱՅՐԱՊԵՏԻ ԱԶԳԻՍ

Կոնդակ Վեհափառ Հայրապետի ազգիս ի 29 նոյեմբերի ընդ Համարաւ 507 յանուն Առաջնորդին Հայոց Շամսիւոյ, որով Հաստատէ ի պաշտօն Հոգաբարձութեան եկեղ.— ծխական միդասեան տղայոց կեդրոնական ուսումնարանի Ղալակա գեղջ գբարեկրօն Սարգիս քահանայն տէր Սահակեանց, գերիցփոխան Հայրապետն Եաբուլեանց և գեղովանդցի երիցփոխան Աղեքսանդրն Միրզայեանց. իսկ անձնափոխանորդ վերջնոյս զպատուելի Հայրապետն Մելիքսեղեկեանց:

Կոնդակ Վեհափառ Հայրապետի ազգիս ի 21 դեկտեմբ. ընդ Համարաւ 526 յանուն Առաջնորդին Արցախոյ, որով Հաստատէ ի պաշտօն Հոգաբարձութեան եկեղ.— ծխական միդասեան ուսումնարանի Թաղլար գեղջ գբարեկ. Մեսրոպբ. քահանայն Բարայեանց, գերիցփոխան եկեղցւոյ տեղւոյն և գյարգելի Մելիսկն Ջաբեանց. իսկ անձնափոխանորդ վերջնոյս զպատուելի Փաթալին Սահամեանց:

Կոնդակ Վեհափառ Հայրապետի ազգիս ի նոյն թիւ ի նոյն Համար յանուն նորին, որով Հաստատէ ի պաշտօն Հոգաբարձութեան եկեղ.— ծխական միդասեան ուսումնարանի Աշան գեղջ գբարեկ. Բաղդասար քահանայն Տէր Աւագեանց գերիցփոխան եկեղցւոյ տեղւոյն և գյարգելի Սիմէօնն Բալայեանց. իսկ անձնափոխանորդ վերջնոյս զպատուելի Յարութիւնն Մահտեսի Մուսայելեանց:

Կոնդակ Վեհափառ Հայրապետի ազգիս ի 21 ամսոյս ընդ Համարաւ 528, յանուն նորին, որով ընդարձակէ նմա գիրաւունս բանալոյ գեկեղ.— ծխական միդասեան ուսումնարան տղայոց Ննգի գեղջ Շուշուայ գաւառի և ի պաշտօն Հոգաբարձութեան այնորիկ Հաստատէ գբարեկ. Գրիգոր քահանայն Տէր Պօղոսեանց, գերիցփոխան եկեղցւոյ տեղւոյն և գյարգելի Գրիգորն Պօղոսեան. իսկ անձնափոխանորդ վերջնոյս՝ զպատուելի Յարութիւնն Մուսակելեանց:

Ի ՏՊԱՐԱՆԻ Ս. ԿԱԹՈՒՂՈՍԻ ԷԶՄԻԱԾՆԻ Ի ՎԱՂԱՐՇԱՊԱՏ.

ԼՈՅՍ ՏԵՍԱՆ

ՄԱԿԱՐ ՏԵՐ—ՍԱՐԳՍԵԱՆԻ

Հետևեալ աշխատութիւնները

կ.

1.	Հայկական գեղադրութեան օրինակներ	
	Երրորդ բարեփոխած տպագրութիւն, գինն է	35
2	Օժանդակ կրթութիւններ Հայկական գեղադրութեան օրինակների	3
3	Գեղադրութեան տետրակներ	5
	Գումարով գնողները զիջումն են ստանում	
	100—500 օրինակին	10% /
	550—1000	15% /
	1200 և աւելի	25% /
	Ճանապարհածախքը գնողների վրայ է,	
	Գիմել Երևան հետևեալ հասցէներով—	
	Учителю Макару Теръ Саркисянцъ	
	Կամ՝ Эмишу Теръ—Григорьянцъ	

Տպագրութեան համար բոլորովին պատրաստ են և առաջիկայ 1891 թ. լրջս կը տեսնին իմ թարգմանած հետևեալ 5 գրքերը.

1. «Փարսանի աղջիկը», պատմական վէպ Գ. Էֆերի (պատկերազարդ.)
2. «Իշխանն ապարդ», պատմական վէպ Մարկոսի (պատկերազարդ)
3. «Ափերիկի զիւրը» հետ. Լեւոն — Պէրի (պատկերազարդ) 4. «Սերերեն»
«Ինչ էր պարսկական լեզու» (25 մանկական վէպիկ) 5. «Սերերենի կեանքն
ապարդ»:

Թիֆլիսում բաժանորդագրութիւնն ընդունվում է «Սենդրոնական» գրա-
վաճառանոցում և թարգմանչի մօտ Ներսիսեան դպրոցում, Բաժանոր-
դագրինն է 3 սուրբլի, Տպագրութիւնից յետոյ 4 սուրբլի:

Ընթերցող Հայ—հասարակութեան ձեռնտուութեամբ վերջին 10 տար-
ուան ընթացքում հրատարակուել են և ուղարկուել բաժանորդներին
թարգմանչի աշխատութիւններից՝ 1) Մարտի, Ֆելիսիան և Բարդուղիմէոս
Նալբանդեան» պրոֆեսոր Զմե Սարգսի Բեկիւնի 2) Մարտիան դատարարու-
միւն» Ս. Բարդուղիմէոսի 3) «Կնոջ կոյսածն ապարդ» Լ. Սարգսի
Բեկիւնի 4) «Սարգսիան իրենիւն» պրոֆեսոր Ա. Մարտիկի և այլն:

Հասցէն՝ Թիֆլեմ. Учителю Армянской Симплиціи, Григорію Шахбудагыяну
ԳՐԻԳՈՐ ՇԱՀԲԱԴԱԳՅԱՆԻ

ՊԱՂՏՕՆԱԿԱՆ ՅԱՅՏԱՐԱՐՈՒԹԻՒՆ

ԳՈՐԾԱԳԻՐ ՄՆԱՅՈՒՆ ՅԱՆՁՆԱԺՈՂՈՎՈՅ

Յ. ԻԶՄԻՐԵԱՆՅ ԿՏԱԿԻՆ

Ըստ կտակի բարեյիշատակ Յովսէփայ Իզմիրեանց, գործադիր Մնայուն Յանձնաժողովս պատիւ ունի հրաւիրել այն հեղինակներն ու բանասէրներն՝ որք ազգային դպրութեան և պատմութեան վերաբերեալ նր և է աշխատութեամբ մը կը փափաքին մասնակցել Սահակ - Մեսրոպեան դրական մրցանակաբաշխութեան, հաճին իրենց աշխատութիւններն յուղարկել մինչև յառաջիկայ 1891 տարւոյ Յունուարի վերջ առ Ըմենապատիւ Սրբազան Պատրիարք Հայրն, Յանձնաժողովոյս հասցէին:

Տպագրեալ աշխատութիւնք պէտք է երկը օրինակ ուղարկուին, իսկ ձեռագիրք բնառ յետ չեն դարձուիր:

Օրացոյց 1891 ամի, զինն է 20 կոպ. ցանկացոյները թող զիմեն Վ իճակային Կոնսիստորիաներին, Հոգ. Կառավարութեանց. Ի Տփլիս Կենդ. դրավաճառանոցին, յԵրևան Պ. Կարապետ Դադամեանցին և Տպար. Ժողովն ի Ս. Էջմիածին: